

東  
華  
續  
錄

光緒八十四

臣朱壽朋敬編

臣潘鴻鼎恭校

秋七月丙辰朔日有食之○時享 太廟 上親詣行禮○戊午諭巡視北城御史恩濟等奏司官縱容差役玩泄公事據實糾參一摺據樞宗室婦恆佳氏訛詐太元當舖一案有皂役常福勾通情弊當交正指揮何振綵將常福送部辦理乃該指揮失於覺察致令常福潛逃自盡顯係縱容玩泄請將該指揮交部議處等語北城兵馬司正指揮何振綵著交部議處○奎斌奏川襄兩水同時盛漲沿江各屬堤腰間有漫潰田廬多被淹沒羅田石首兩縣受災較重現經督飭司道在於釐金罰款及雜項內湊撥錢四千串文委員解往該二縣會同地方官先將極重之戶擇尤撫恤其餘被水各州縣統俟秋後查勘輕重情形分別已未成災及應否賑濟緩再行據實奏懇 恩施得 旨昨有旨飭查被水情形茲據該署督奏報即著飭屬查明被災戶口妥為撫恤毋任失所○庚申李鴻章奏准戶部咨開各省設立電綫案內北洋墊用淮軍餉銀及南洋山東撥存商局官款共湘平銀二十六萬九千六百餘兩除以光緒八年三月起至十一年六月止頭等官報費劃抵外尚餘官款未抵報費湘平銀四萬一百餘兩其廣東前撥官

項湘平銀二萬七千三百六十兩另由兩廣官報費劃抵嗣後頭等官報不得再行計費劃抵等因當經轉飭在案茲據總辦電報事宜東海關道盛宣懷詳請前辦津滬電綫所用官款除由商繳還六萬兩又議定五年後分年續繳二萬兩其餘湘平銀九萬八千七百餘兩奏明自光緒八年三月改歸官督商辦起以商局應收軍機處總理衙門各省督撫出使各國大臣洋務軍務頭等官報費劃抵俟此項抵數完畢別無應還官款則前項官報亦不領費以盡商人報効之忱等因此係就自津至滬官報抵支官款而言今則南北十餘省皆設電綫官報已四通八達所領各省官款自應悉照津滬之例一律劃抵報費現除抵繳南北洋山東官款並將餘銀四萬一百餘兩抵支十一年六月以後報費外尚有原領江鄂川廣各省官款應抵銀三十餘萬兩部議嗣後不得再行劃抵敢不遵照惟官督商辦之舉其要在上下相濟官款商情似宜兼顧電綫創始之時官報僅居商報十分之一衆商以爲官報不復加增又冀常年官貼巡費因有官款抵繳完竣官報亦不領費之議旋蒙核定官貼巡費只以五年爲限且各省官報日繁動輒數百言均列頭等往往停攤商報夜以繼日猶僅傳發及半實與初議時情形不同是以局董謝家福等敢請官報冗雜恐誤軍國要務商報停減尤虞局費不支必使情墨如金斯可官商兩益又據江浙閩粵衆商以官報太多商情竭蹶屢請將官報一律核發現費庶各惜費不致冗雜均經轉詳有案電報

必字簡乃可速達西文可速字傳遞華文一字須用號碼四字代之功夫已費四倍況華文以曉暢爲工報費又有抵支官款未免盈餘累贖遲誤事機商局常年經費惟賴商報現資官報日多則商報日少蓋發報定例次序官先商後故商報必遲惟其愈遲故生意愈少卽如上海福州廈門香港四口往來官報本較各口爲多茲就光緒十二年分核計該局僅有商報費洋銀二萬三千餘元其流入英丹海綫傳遞者則有洋銀十二萬五千餘元此本華局可沾之利乃爲洋商所得加以電桿露立枯朽隨之逐年修換必數萬金官中津貼巡費相繼期滿每歲又需商出數萬金就此三項少入加支之款計之每歲已需洋銀二十萬元他項經費在外所收商報費有限實屬賠累不堪查東西洋各國商設電綫其初設之時必由公家認付股商利息至沿途巡護桿綫之巡捕均由公家發給口糧凡有官報悉照商民一體給發恤商如是而不嫌其優蓋商利厚則電務益興深有裨於軍國大計也今電局尙有應抵官款卽照初議亦未屆報効之期況現值局勢岌岌而部議不准再抵則原領官款須以現銀分年歸繳衆商力更難支若不將官報核給現資電局斷難立腳然竟照各國通例無論何項官報一律照商報付資爲數較鉅亦非上下相濟之道該道傳諭衆商勉以大義悉心酌核所有軍機處海軍衙門總理衙門南北洋大臣出使各國大臣頭等官報皆關軍國要務請自光緒十三年六月起按月結算報資以一半由衆商報効一半

援照遞寄外洋電報章程歸出使經費項下按月核給各省將軍督撫頭等官報亦屬緊要事件並由眾商報効一半其餘一半各就情形籌發現資以則眾舉易舉均蓋用印信爲憑此外提鎮司道防營局所徵募兵船印委寄報均照三四等章程令其自行出費如遇軍務海防要件亦照商報出費仍發在商報之先以示區別等情具詳前來臣查電局經費本指商報現資乃各省官報冗雜太甚應接不暇以致商報日稀經費無出迭據眾商呈稟曾於光緒十一年咨行各省有案惟號令不齊迄今仍紛紛列作頭等官報電局接收之後不敢不遞而統計抵支官款遂成鉅數是公家與電局兩有所損既商力艱窘局勢岌岌不得不變通辦理妥爲維持以免要舉中輟該道擬中外衙門頭等官報酌給現資一半以一半由商報効其提鎮司道以下皆自行出費不列頭等非此無以示限制蓋既須現資則官報自少較從前抵支官款之數約可節減過半於公家不無裨益在電局藉得官報半價補苴並冀商報漸增補紓商力至京城各衙門及南北洋大臣出使各國大臣官報非緊要者不發本屬無多又僅支半價每歲報資有限出使經費尙易籌給其各省有由官設電綫之處仍照舊辦理此爲節費恤商起見以後官報減少遇有緊急電信更可迅速傳遞有裨機宜仰懇 特恩俯准照辦以期官商兼顧持久不廢得 旨如所請行

○李鴻章奏本年入伏以後直境節次大雨又值邊外山水暴發奔騰匯注各河同時盛漲迭飭各該河

道認真防護茲據永定河道塔奇魁稟稱六月十九日至二十二日河水漲至一丈九尺五寸驚濤駭浪拍岸盈堤各汛險工迭出當飭總汛分投嚴防其時南四工墊埽數十段情形喫重督同搶辦竭兩晝夜之力甫能得手距下游南七工西小堤四號已於二十二日寅刻漫溢該總汛先在南七工十四十九二十等號並南八工上下汛搶險迫聞報趕往多方設法搶護乃水又加漲風雨大作人力難施及該道臨工已刷寬口門四十餘丈奔溜南行稟請參辦前來臣查永定河身久已淤高兩堤全係沙土汛漲卽虞潰溢必須改河築堤方可安流順軌無如巨費難籌民情不順頻年祇能量力修濬自光緒九年以後幸已連屆安瀾今值水勢過大河流節次盛漲致南七工西小堤四號漫口該管各員咎無可辭應請旨將汛員南七工東安縣主領曹鵬革職留工効力嗣員署三角淀通判唐應駒革職留任以示懲儆而觀後效該河道塔奇魁統轄全河疏於防範一併革職留任臣督率無方並請旨交部議處現在霪霖不止上游各汛仍嚴飭竭力防護毋得再有疏虞並將漫口趕緊盤築裹頭以防續塌查該河前於二月間南八下汛尾閘無工處所漫溢臣已奏明應否就此改作下口使與清河並行俟秋後查看統籌奏辦在案茲因南七工西小堤四號漫口奪溜南八下汛適在下游已成旱口所有堵築南七工西小堤及應否就南八下汛改作下口事宜關係大局甚爲繁重非專堵口門一事可比容臣遴派委員前往詳細勘籌

議辦並督飭司局設法籌撥銀兩濟用至此次漫口之水經過永清等州地面約計尙不寬廣卽由文安縣之勝芳靜海縣之楊方港歸東淀達津入海被淹村莊已緘商府尹臣一體確查撫恤 上諭李鴻章奏永定河堤工漫口分別籌辦並自請議處一摺本年入伏以後永定河水盛漲險工迭出六月二十二日南七工西小堤四號被水漫溢刷寬口門四十餘丈該管各員疏於防範實屬咎無可辭東安縣主簿曹鵬著革職留工効力署三角淀通判唐應駒永定河道塔奇魁均著革職留任李鴻章著交部議處該督務當督飭在工員弁將漫口趕緊修築期臻完固其上游各汛並著嚴飭認真防護毋得再有疏虞○李鴻章奏北運河上游之潮白河上年於通州之平家疴漫口東趨入箭杆河當飭通永道許鈐身等搶堵合龍現復運河故道今年卽令該道認真督率防汛乃自五月三十日漲水後迭次連遭大雨河流增漲邊外諸山之水又同時大發奔騰匯注洶湧異常接府尹臣來函水勢較往年尤大雖晝夜竭力設法搶護而水力過猛六月十九日夜大溜將平家疴新工以下之北市莊東小堤並老堤漫刷二處旋又續塌百數十丈連成一口奪溜東趨現計約十分之八據許鈐身稟請參辦前來臣查平家疴河形本甚拗折地勢亦西高東下東趨箭杆河其勢順西入運河其勢逆且平家疴以上並無堤埝東岸道溝甚多修守極難故歷年屢有潰漫雖該道非專管河務該處亦未設汛但既疏於防範咎無可辭應請 旨將通

永道許鈴身摘去頂戴以觀後效至箭杆河係經行通州三河香河寶坻寶河各境惟寶坻地居下游形如釜底受災較重據該道報稱通州被淹村莊無幾寶河等處亦較輕臣已知會府尹臣一體確查核辦仍飭該道將漫口設法盤築裹頭以防續塌一面遴派熟悉情形之候補知府桂本誠前往會同勘籌堵築事宜俟水勢稍落卽行興辦庶運河不致阻滯應需經費由臣督飭司局設法籌措濟用上諭李鴻章奏潮白河漫口情形據實參辦等語本年入夏以來北運河上游因雨水過多河道增漲邊外諸山之水同時大發六月十九日通州平家疍新工以下之北寺莊東小堤並老堤刷塌百數十丈奪溜東趨通永道許鈴身略於防範咎無可辭著摘去頂戴仍著李鴻章督令該道迅將漫口設法盤築裹頭並飭派出之員會同勘籌堵築事宜實力興辦以通運道○辛酉寶古塔副都統容山以病免○壬戌以富爾丹爲寶古塔副都統○甲子諭楊昌溶等奏遵議澎湖海壇鎮協互調事宜一摺福建澎湖鎮總兵著吳宏洛補授其海壇協副將著吳奇勳暫行署理遇有內地水師總兵缺出候旨簡放○乙丑會國基奏吳淞江陰兩處建築洋式大礮明臺分設八百磅子大礮八尊每尊計重七萬餘斤礮架機器極巧極繁所有礮價臺工兩項分計各得數十萬金不特取準命中準法宜精卽平時擦磨油飾轉移運動亦當處處如法所以保利器而重鉅款也前於展留吳淞教操英人博斯案內聲明俟兩處礮臺工竣再將詳細章程



奏咨在案現在大礮安設齊全臺工告竣在卽而宜將各項用款預先籌定以便開支除吳淞已展留英人博斯外當再募精於礮學之洋人一名專充江陰大礮教習其應需川資薪費俟僱定後另行開報每大礮一尊應由營抽撥勇丁四十名常川駐守專學操礮等事查兵輪礮勇有每名月支銀八兩者此項陸營礮勇自難盡同兵輪然係操習新式大礮亦應稍加津貼庶可資令一意從事擬每名於額餉外按月酌加津貼銀一兩每礮目什長一名則倍之俟數年後學習有成再將洋人遣去又吳淞江陰兩處礮臺每處須添設機器匠正副各一名專司礮身礮架及一切機器此項匠人多爲製造局及上海洋廠所僱用每月薪工四五十元不等礮臺所用者非稍優其值難得手藝精巧之匠擬每正匠一名月給湘平銀十八兩副匠一名月給湘平銀十兩此項礮勇機匠雖遇防營調動統領營官不得攜之而去亦不得率行告假他適如有學習不勤者由統領營官從嚴懲辦仍不時由局派員前往察看以期實事求是至尋常一百磅子內外各礮每礮月給礮費四元八百磅子之礮大逾數倍擬每月給礮費十元俾資濟用其旁佐之哈吃克司各礮仍照章每礮月給礮費四元以符定案下所司知之○諭邊寶泉奏秋審絞犯誤行處斬請將監刑員弁交部議處一摺據稱上年臨漳處決秋審情實絞犯張羊仔一名經該縣知縣徐本立會同汛弁王廷揚監刑誤將該犯處斬徐本立事後復砌詞推諉等語處決重犯該員漫不經心

致誤校爲斬荒謬糊塗實出情理之外僅予議處殊屬輕縱臨漳縣知縣徐本立著卽行革職該汛千總王廷揚著卽撤任交倪文蔚提集人證嚴訊確情按例定擬具奏此案係上年十一月間之事該撫至今始行具奏實屬遲延邊寶泉著交部議處○內寅諭福銀等奏拿獲鄰境巨盜請將出力員弁破格獎勵一摺近來畿輔一帶時有盜劫經福銀等派出員弁先後在京畿昌平州等處並越境前往山東東阿等縣地方拿獲游勇強盜巨盜多名緝捕尙屬認真自應從優給獎以昭激勵所有單開之參將王山寬等均著照所請獎勵○戊辰諭御史劉綸襄奏江南鄉試兩省合闈請添派副考官一摺著禮部議奏○諭李鴻章奏知縣楊炳短銀兩請革職查抄等語以鄉縣楊炳於前署東安縣任內徵收正雜各款銀七千餘兩屢次展提延不完解且有捏報已解及匿不列入月報事除查現存銀兩勒解外尙短銀五千餘兩之多實屬藐玩已極楊炳著卽革職監追勒限完繳提同經手人等嚴訊是便是挪按律治罪並將該員歷過任所寓所有無資財嚴密查抄其原籍家產著江蘇巡撫一併查抄備抵毋任隱匿○己巳諭譚鈞培奏已革鹽提舉虧缺延不完解照例監追並奏參該管鹽道各摺片已革雲南黑鹽井提舉蕭培基前因積欠鹽課等項銀兩經岑毓英奏參勒追迄今尙欠銀九萬餘兩之多實屬玩延蕭培基著卽監追並查明任所寓所有無資財寄頓一面咨行該革員原籍將家產一律查封存案備抵該管鹽道鍾念祖

在任八年於所屬虧欠鉅款並不據實揭參難保無扶同徇隱情弊非尋常督撫不力可比據奏該員前經請咨引見現回原籍鍾念祖著卽行革職並飭浙江巡撫飭令卽回雲南清理前項積款并任遷延○李鴻章奏奉天威海衛等海口添設防勇建築礮臺布置水雷需款甚鉅請將山海關加增盈餘銀八萬兩留存關庫專備此項要需得 旨戶部核議具奏○壬申 上詣 奉先殿 壽皇殿行禮○調任祖文爲安徽壽春鎮總兵韓昌爲湖南永州鎮總兵○癸酉李興銳因病奏請開去差使允之以黎庶昌充出使日本國欽差大臣○甲戌召曾國荃入覲以裕祿署兩江總督兼辦通商事務大臣○諭前據御史蔣錫奏參湖南巡撫卞寶第昏惰貪污任用劣員各款當派大學士恩承侍郎薛允升馳往查辦復據御史屠仁守奏卞寶第怠惰乖戾委任私人翰林院侍講學士龍湛霖奏湖南地方官諱匿劫盜重案署理提督李勝貪劣營私各摺經先後諭令恩承等一併查奏茲據奏稱按照原參各節分析確查卞寶第被參貪劣等款均無其事准商岸費係從前奏准之款此次由該商公稟自願解交以作緝私之用該撫並無徇私入己情事亦未提用署後局公項近年該省各屬盜案三十餘起未破僅三四起本年三月間武陵縣匪徒滋事該縣李宗蓮當卽請兵剿辦先後拿獲首要各犯正法並未延緩消彌著提督李勝查無貪婪廢弛各情道員莊展良等參款逐一查明請分別議處察看各等語湖南巡撫卞寶第被參貪

汚乖戾各款署提督李勝被參貪劣營私各款既經查無其事卽著毋庸置議道員但湘良管理釐務較前多收總兵銀繼昌並未虛伍實餉亦毋庸議桃源縣知縣朱益濬因村民與書差滋鬧輒以風聞匪黨滋事等詞張皇具稟前署道州知州錢紹文屢被參劾不孚眾望均著交部分別議處道員莊廣良道州知州段良佑前署嘉禾縣知縣鄺以蒸參款雖無實據惟指摘紛乘俱遭浮議莊廣良著撤去差使與段良佑鄺以蒸發交卡寶第隨時查看如有劣跡卽行據實參奏毋稍瞻徇湖北鄖陽鎮總兵劉繼爲以實缺人員管理本籍營務易滋口實著卽飭回本任以重職守其所帶防營該撫另行派員接統該省既有岸費足資辦公所有此次欲捐之款著卽行裁革近來各省遣勇大半皆無業之徒加以會匪羣民勾結煽誘難保不乘間滋事全在地方文武認真防範庶可消患未萌卡寶第身任疆圉責無防貸務當督飭所屬整頓捕務力行保甲並會同該署提督酌派防營實力巡緝俾奸宄無從竊發地方一律敕平用副委任武陵縣等處在逃匪犯並著嚴飭緝拿務獲究辦以絕根株○乙亥諭軍機大臣等御史托佛歡奏匪徒持械搶奪請旨究辦一摺據稱近有游匪在東北兩城地面持刀搶奪肆行無忌請飭查拿等語匪徒擾害閭閻亟應嚴行懲辦所有單開之楊紉寶卽穆七巴等十五名著步軍統領衙門順天府五城御史一體嚴密查拿務獲究辦原摺單均著鈔給閱看將此各諭令知之○總理海軍事務衙門奏前經轉

備東三省練兵防邊經費指撥各省每年協濟餉銀二百萬兩茲屆一年期滿未解之銀尙有一百三十餘萬東北練餉原屬要需豈得如此延玩請 旨飭催各省迅速籌解以濟要需而固邊防得 旨允行

○丙子劉秉璋奏川省前設機器局自光緒三年十月起至十一年十二月底止業將支用經費各數目先後奏報在案茲據辦理機器局員署理成綿龍茂道鍾繼立候補道黃錫齡會詳奏准部定章程各省報銷以後必須分晰造冊每年奏報一次不得籠統含混等因查川省機器局自光緒十二年正月初一起至十二月底止局中修理機器一百六十三件修理各營舊洋鎗一千三百八十九桿續造機器三十三種子母礮一尊格輪礮一尊新造機器一百七十八件造成各種陸續解送籌餉局存儲以備應用其未合成鎗礮藥彈銅帽等件歸入下次報銷所有局中支用修理房水機器及採辦各項物料並委員薪水匠作工資各經費仍照原奏不動司庫正款均於土貨釐金項下開支統計十二年分共支用庫平銀六萬七千七百七十一兩二錢零遵照部定新章分晰造冊詳請奏咨核銷等情前來臣覆核無異除將清冊送部外理合恭摺具奏下部知之○庚辰以額勒和布爲崇文門正監督巴克坦布爲副監督○辛巳葉伯英奏陝省現辦鼓鑄應需銅鉛從前購自滇楚原無應完稅項前因滇銅未旺遠購爲難擬卽就地試採銅礦一面仿照各省章程派員前赴上海漢口等處購買外洋銅鉛備用業經臣會同督臣先將

籌款試辦情形奏明咨行在案惟查採運外洋銅鉛由滬至鄂由鄂至陝合計水陸兩項脚價成本已較他省爲重若再照依商運完稅勢必虧耗更多近聞各省購買外洋銅鉛經過各關均請免交稅項陝省事同一律自應照辦以期節省等情由署藩司李用清鹽法道顧肇熙會詳前來相應請 旨飭下經過各省督撫 轉飭各關卡俟陝省採辦銅鉛到境查驗票內銅鉛斤數免其完納稅銀一體放行庶成本稍輕循環採運可資周轉 旨允行○壬午衛榮光奏浙江省設局購買機器建造廠屋動用經費經升任撫臣劉秉璋飭據承辦委員將建築機器廠以及購買機器鑪座支發各款工料價脚銀兩開單奏咨立案欽奉 諭旨該部知道欽此欽遵在案所有光緒十一年五月起至十二年四月底止機器局委員先後赴滬定購採辦製造浮沈水礮雷開花礮彈電綫拉火銅帽鎗礮鉛子等各項軍火應需物料價脚局用新資匠工等款現經飭據該委員等查明共用過庫平銀七萬三千一百餘兩遵照部行新章分晰開報由防軍支應報銷局司道核明詳請先行奏咨立案仍俟該委員等將所辦物料斤重數目用過各項工價水脚銀兩分晰劃清查報到局另開各款細數清摺專案詳請奏咨核銷等情前來 臣覆查無異除將送到清摺咨部外謹繕清單恭摺具奏下部知之○癸未以沈秉成爲廣西巡撫○甲申文碩等奏藏屬番官有俸人員世職則輔國公一員歲支俸銀二百兩俸緞七疋公銜扎薩克台吉一員歲支俸

銀一百兩俸緞四疋流官則噶布倫四員每員歲支俸銀五十兩俸緞二疋共支俸銀一千兩各色俸緞三十九疋舊例每二年由京支發一次卽交前藏例 貢回差之堪布等承領齋回按員核給維時達賴喇嘛班禪額駙德尼例 貢係各間一年一次道光二十年三月內因藏地距京窳遠該堪布到京呈進冊舒克或致不能如期仰荷 聖恩改令各間二年進貢一次以示體恤於是理藩院奏請自道光二十一年爲始將藏屬番官應領俸銀俸緞照新疆蒙古回子王公之例改由戶部如數分撥逕解四川總督按年附餉搭解至藏就近開支以歸簡易等因奉 旨依議欽此欽遵在案自此以後俸銀則自道光二十一年起至今皆由前藏糧臺按年照數給領歸入藏餉臺費案內報銷俸緞則自道光二十一年起至咸豐二年應領之項均由進 貢回差堪布路經西甯由該道庫核明給領到藏分支其自咸豐三年以後迄今三十餘年應領俸緞始則因剿辦髮逆軍務以至江浙織造停機繼之以回匪之變道途梗塞西藏 貢差自同治七年改由四川行走既不經過西甯以致無從承領此俸緞積欠一千三百餘疋之由來也奴才等竊謂 聖訓撫馭外藩宜崇大體固不必曲示蠲縻無端加惠轉生玩視之心而於其得所應得之分亦未可稍從貶損推延以致有所藉口卽如咸豐初元以後京外支發庫欸莫不變通核減且欠發之欸甚多而獨外藩領項則蒙 文宗顯皇帝特恩一切悉仍舊貢仰見 聖謨宏遠允宜遵守奉

行則是藏屬番官欠領俸緞不容置之不議也惟是時逾三十年之久數至一千三百餘疋之多若仍補給本色其勢有所難行奴才等愚昧之見開具積欠俸緞清單恭呈 御覽請 旨飭下戶部核明各色緞疋例價折給一面山奴才等備文移咨戶部理藩院即交此次 貢差堪布齊京投遞再由理藩院加給印領咨明戶部查核支放俟該堪布承領後知照奴才等轉飭番官備案下戶部議奏○是月法蘭西國使臣恭思當回國蘇阿爾署理

八月乙酉朔以孫金彪爲陝西漢中鎮總兵○以徐用儀兼署刑部左侍郎○文碩等奏光緒十二年十二月二十七日十三年二月初四日奴才崇綱會同色楞額以後藏戴琿頓棟多有結白瑪奪吉等所遺員缺兩次擬定正陪奏請 簡放於四月初八及閏四月十二等日先後奉到 硃批另有旨欽此交鈔部文今逾三四月之久尙未接到奴才等業已行查理藩院併因邇年川南暨打箭爐各處郵政久弛不特公文多所稽延其者摺報亦有遲滯卽如奴才文碩此次欽奉四月十一日限行五百里寄 諭一道比較平常馬遞摺報到藏轉遞旬日或半月是以查明耽延處所按其稽延時日多寡將該管游擊何長榮及各屬汛弁兵分別記過摘頂斥責示戒仍聲明此因積習已久整飭之初先示薄懲後再不加儆戒卽當從嚴參辦一面咨會成都將軍四川總督提督一體查察整飭各在案惟查戴琿有管束番兵之責



官守本難久曠而番性又且愚而多疑遇事稍遲則不免揣測其中或有存故爲勒捐之意奴才等愚以爲於此等處似以默化釋然爲宜因見從前琦善奏請承辦公儲卷內欽奉明發 諭旨卽係先憑軍機處隨摺咨會宣示該番較爲妥速嗣後凡有西藏請獎請補各項官缺奉 旨後照例交鈔外可否悉仿道光二十七年正月舊式隨摺知會俾該番得以早聆 恩施之處奴才等未敢擅請祇候 聖裁得旨如所請行○丙戌張之洞奏粵省應償洋欸限期將盡迫不容遲請飭戶部於粵省洋藥稅釐項下籌劃銀八十萬兩以濟要需得 旨戶部速議具奏○丁亥祭 先師孔子廟道福銀行禮○戊子祭 社稷壇 上親詣行禮○畢道遠因病奏請開缺不允予假一月調理○裴蔭森奏閩廠鐵轆輪船造成上艘第六艘於光緒十一年十月十八日安上龍骨經 奏明在案本年六月初旬據工程處監造學生直隸州知州魏瀚參將陳兆珩等稟稱該船自灰船廂鈴以及包裹銅板各工一律告竣請詣吉下水 謹擇是月十七日午時致祭 天后 江神土神船神乘潮推送勢極靈穩擬名曰廣甲該船計長英尺二百二十二尺寬三十三尺七寸深二十五尺三寸船管刻水深十一尺船腰刻水深十二尺五寸船尾刻水深十三尺九寸全船可載一千三百墩配新式一千六百匹馬力庫邦三脫汽一汽鼓臥機一座以法推算每點鐘應行十四海里合中國每時可行九十二里船首兩旁另裝配新式後膛十五生鋼礮二尊

每尊可施放一百二十度船中兩旁配新式後膛十二生鋼礮四尊每尊可施放九十度船後配新式中  
樞旋轉後膛十五生鋼礮一尊可施放一百一十度瞭望上配連珠礮兩尊鋼桅上配連珠礮二尊以備  
攻擊魚雷艇之用船前旁左右應配魚雷十二具用以衝擊敵船船面配鋼桅兩枝木桅一枝張樹帆席  
以收風力而省煤斤船之美備較前製各船儘七百五十匹馬力者殆爲過之臣復詳加體察目下工程  
全船鐵件均已配就內外兩艙均已封完船內阻漏鐵堵暨鐵梁鐵柱鐵牽鐵鉗等項既安設咸宜輪機  
水缸帆纜鐵練軍火淡水等艙亦布置就緒輪機水缸業已製成其礮械藥彈前由德國克虜伯廠定購  
者亦經抽數運到只俟次第分配約三月後即可展輪試洋臣查閱廠現爲粵省協造大小兵輪八號成  
船尙需時日前准兩廣督臣張之洞函商請船甚切臣允俟此船竣工卽先撥赴粵於五月間奏報定議  
協造粵輪摺內聲明在案除試洋之後另將行駛情形咨明海軍總理各國事務兩衙門及戶兵工各部  
存案外理合會同兩廣總督臣張之洞廣東巡撫臣吳大澂署福州將軍臣古尼音布閩浙總督兼管福  
建巡撫事臣楊昌濬摺由驛馳陳下所司知之○庚寅予故荊州右翼副都統英秀祭葬○以德祿爲  
荊州右翼副都統○辛卯夕月於西郊道管祔行禮○先是朝鮮擬派公使分赴各國英人密勸中國  
設法阻止駐朝鮮總理交涉通商大臣袁世凱屢以爲言至是上諭軍機大臣等朝鮮派使西國必須

先行請示俟允准後再往方合屬邦體制○癸巳諭軍機大臣等有人奏江蘇海州青伊鎮一帶有的道一率其子武進士振武句結匪類數百人倡爲哥老會聚衆搶掠霸佔田畝破壞多命有案可憑委員戴德明彌縫延宕恐釀巨禍請飭查辦等語匪徒擾害閭閻委員查辦不力均應澈底根究著會同荏裕祿盧士杰嚴密查辦確切查明認真懲辦原片均著鈔給閱看將此各諭令知之○甲午李鴻章奏欽奉六月二十一日 上諭張曜奏直隸開州大辛莊黃河漫溢溜入東境致濮州范縣壽張陽穀東阿平陰禹城等處均被水災此次開州漫水尙未據李鴻章奏報著該督嚴飭地方文武將堤工加緊培護實力防守毋得再有疏虞並將現辦情形迅速覆奏等因欽此業經飛飭該州遵照臣維黃河北岸自開州至山東張秋二百餘里向以古大金堤爲保障金堤基址高寬距河甚遠原以黃性潯悍不受約束必須讓地與水寬留中洪資其湧漾而民間不肯讓地屢於近河築埝自護田廬上年東省來咨以河南滑縣直隸開州北岸尙有無埝處所當飭該管大名府會同河南衛輝府督飭各該州縣並山東濮州范縣勘明議由滑縣開州於今春分段接築並飭開州及上游直境長垣縣將舊有民埝分別加修仍統歸民辦酌予津貼在案查此等民埝本止水小之年藉資攔護俾保河灘田地若值水大卽易潰決從前上下游屢有被漫之案卽如上年滑縣境內曾經漫溢水溜開州波及濮范一帶今年黃水盛漲又於開州漫溢

蓋民埵距河甚近防守本無把握旋決旋堵習以爲常迨秋後水落歸槽尙不失一水一麥之秋該州縣因非官工官守往往俟查明災情稟報惟此次下游被淹地面較多該州距津雖遠迄今尙未報到實屬延緩應請 旨將開州知州賈孝彰摘去頂戴以示懲儆仍嚴飭確查情形及被淹村莊若干迅速馳報核辦俟水落督勸民間修堵完固並將未漫之埵隨時加培一體實力防守毋得再有疏虞至金堤爲北岸外障尙無漫衝之患則黃水必不至灌入衛河現亦飭令勘查將來應如何妥籌防範容再察看會商酌辦得 旨賈孝彰著摘去頂戴餘依議○內申諭吏部奏遵議楊昌濬等處分一摺閩浙總督楊昌濬應得降三級調用處分著加恩改爲降四級留任福建布政使張夢元應得降三級調用處分著加恩改爲革職留任○戊戌河南鄭州黃河漫口○前任雲貴總督劉長佑卒予祭葬諡武慎○庚子諭軍機大臣等有人奏洋人於通商口岸購運制錢鎔化提銀各省釐局存積純銅制錢加價售於錢商錢商售於洋人銷燬如果實有其事必應嚴行禁止著李鴻章會同盛裕祿確切查明據實覆奏並咨行沿江沿海各督撫飭屬一體認真查禁以杜弊端○予雲南蒙自縣孝婦楊黃氏等旌表○辛丑賞給普濟堂廣仁堂等處煮賑米石○李鴻章奏京中需用制錢臣已奏明飭天津道機器局共認造十萬串由長蘆鹽課應解京餉內撥給銅鉛價及各項工本銀八萬兩前准戶部咨商添鑄又飭湖南於省城設局認造五萬

串所需銅鉛卽在部購東洋銅英國白鉛解存天津項下截留各二十萬斤其餘工本銀兩部議仍於應解京餉內撥用等因茲據藩司松椿詳稱遵經設局建爐購器募匠趕緊鑄造惟銅鉛須由津運省既較津局多一運費將來鑄成制錢自省陸運至京又較由津水路多費其路程亦較遠此外應需各項工本擬請由長蘆鹽課應解京餉內撥銀一萬四千兩事竣據實咨部核銷等情前來臣查此項工本銀兩已准部議於應解京餉內截留除飭運司領領數撥給應用卽抵解本年京餉外理合附片具陳下戶部知之○張之洞奏據兩廣鹽運使英啟詳稱據卑商梁股和等具稟查樂桂卑鹽行銷粵省者樂昌曲江乳源三埠行銷湘省者郴州永興宜章興寧桂陽臨武藍山嘉禾八州縣引繁餉重辦理素難光緒十年間署湖南撫臣龐際雲以新招防勇三千名餉無從出援案奏請將行湘粵鹽每斤加價二文以濟餉需並奉部議此項加價後是否不致滯銷課項仍無短絀務期有實用而無流弊方可舉行仍令防務撤後奏明停止自奏准加價後粵鹽之抵湘者卽經湘省將此項加價錢文增入釐金各卡帶抽是樂桂行湘引鹽在粵既完納釐餉又須兼納湘釐復抽加價一鹽數徵存本增重不能敵私以致連年卑引短折鹽包積倉動逾巨萬虧本賤售仍無起色商力艱困轉輸不前凡此情形衆所共悉查行湘粵鹽加價係援川淮成案辦理今四川兩江已將川淮運楚鹽斤加價奏請停止粵鹽事同一律亦應將加價照停況

榔桂等八州縣本係粵卑引地與借地行銷者不同引鹽久積庫項必致大絀部議原令撤防停止今湘省早已撤防若不將此項加價停止卑引斷難暢銷於粵綱大有關礙等情到司伏查樂桂卑行湘鹽斤餉繁重商人轉輸本形竭蹶自湘省抽收加價以來成本愈增更不敢私以致卑銷滯鈍應完餉款岌岌難支設因加價虧折引停課缺貽誤實非淺鮮且湘省加價之舉部議原令防務撤後奏明停止今湘省早經撤防粵引極見滯銷似應遵照部議將行湘粵鹽加價錢文一律停止以昭平允等因詳請具奏前來臣伏查廣東省近年奏撥部協各餉以及籌還洋款需用浩繁地丁釐金之外卽以鹽課爲大宗通綱課餉又以樂桂一卑爲最鉅自湘省增抽加價商力不支遞年額引不能消晰現在湘防早撤若不將此項加價停止實於粵綱有礙合無仰懇 天恩俯准 飭下湖南撫臣將樂桂卑行湘粵鹽查照部議原案停止加價以紓商困而顧引餉下戶部議奏○壬寅予廣東鎮平縣貞女鄧陳氏旌表○張之洞等奏粵省自光緒十年六月以前所購外洋鎗礮水雷魚雷等件數目歷經奏明在案茲據海防善後局司道詳稱光緒十一年六月以後截至十二年七月底止粵省購買各項外洋鎗礮或係先定陸續運到或係需用特赴外洋購置計先後經留東差委廣西上林營都司劉靚在香港採買云者士快鎗五十五枝在上海泰來洋行買分截礮一尊職員何獻坤在香港買後膛鋼礮一尊威活後膛鋼礮一尊職員石應

麟在香港買前膛洋鎗六百二十枝降補通判王藻章在香港買堅力地長快鎗九百八十七枝腦士當  
前膛鋼礮四尊士乃打快鎗一千二百四十五枝廣西試用知縣張義澍在香港買前膛鋼礮三尊出使  
德國大臣許景澄代購二十一生鋼礮三尊至所需子藥銅帽礮子等物均已購配齊全分撥各礮臺各  
營配用所需價值等項容再分晰遊報所有此項外洋鎗礮數目均在光緒十二年八月二十日奉准戶  
部咨文之前定購種類紛繁數多略畧現經分別查清應請照案奏咨以便將來歸案核銷嗣後如有購  
買外洋船械鎗礮等事自當遵照部文辦理等因前來等因伏查前項鎗礮實係光緒十一年六月以後  
定購在光緒十二年八月二十日接到部文之前因件數紛雜陸續運到分別驗收現經統行查報是以  
彙奏稍遲合併聲明下所司知之○癸卯予故頭品頂戴記名布政使劉連捷祭葬設勇介准於原籍及  
立功省分建祠戰功事蹟交國史館立傳○予湖南湘潭縣烈婦石朱氏旌表○乙巳李鴻章奏前准部  
咨京城需用制錢商令直隸代為鑄造當經籌議於天津造解十萬串省城造解五萬串之外另由天津  
購辦制錢五萬串解京濟用所需銀兩仍在長蘆應解本年京餉內撥抵並准戶部核覆照辦在案茲據  
天津道胡燏棻詳稱津都市面現錢短缺收買不易復向上海一帶設法採辦今始勉力湊齊五萬串委  
員分批解京按照時價通盤算每制錢一千五百十二文合庫平銀一兩共合庫平銀三萬三千六十

八兩七錢八分三釐四毫運京之費在外等情前來除飭長蘆運司卽照部議在鹽課項下如數撥給抵解本年京餉外理合附片具陳下戶部知之○希元等奏吉林東連俄界西翼 陪京實爲根本重地然土廣民稀時有馬賊滋擾非得文武員弁協力緝捕幾於民不聊生幸各路將領及各該地方官同心戮力協剿窮追斬獲首從各盜地方賴以粗安奴才等每於年終彙奏正法盜匪摺內聲明另行請獎在案計自光緒九年十二月起截至光緒十三年二月底止各路將弁兵役四出剿捕除打仗殲斃賊匪不計外共生擒首從各盜一千餘名均經審實正法由各副都統並翼長委員等核明在事出力員弁開單請獎前來奴才等詳加查核尙無冒濫謹擇其尤爲出力文武員弁共一百二十四員分晰敬繕清單恭呈 御覽合無仰懇 天恩准予照單獎敘以示勸勉而勵將來下部議奏○希元奏吉林圍場自勘放荒地後經前任將軍銘安於添設民官時派員勘分界址將該處圍荒劃歸伊通管轄又以相距二三百里難以兼顧有伊通通南一百六十里之磨盤山局勢平闊居圍荒之適中宜分防以輔州治當於光緒八年奏設伊通州知州摺內聲明分設磨盤山巡檢一員卽歸伊通州統屬奉 旨飭部核准在案奴才蒞任時正值放荒初竣屠戶甚稀未經委員試署近來荒地雖開墾無多而居民漸聚每於派員查勘後面餉情形均以爲該處地方遼闊將來荒地日闢煙戶日稠斷非原設巡檢所能鎮撫又以山深林密盜賊



出沒無常非有駐紮隊勇常川巡緝不足安戩譬而服強暴復於本年春間派委道員用候補知府李金鏞前往覆勘旋據稟覆情形相符並稱該處與奉天海龍鳳朝陽鎮等處接壤後日必成通衢儼然兩省門戶將來荒地墾齊農家相資財用自足賦稅所入足供一州一邑開支自應改設州縣等語奴才查圖苑周圍不下五百餘里幾與內省一府地面相埒原奏請設巡檢誠難控制若以將來富庶可期預設州縣是以未然之景象作已然之設施亦非所宜當經飭據吉林道議覆亦言地廣官小難望其措設裕如土瘠民貧又未便劃疆分治復加周諮博訪眾論尙同現經奴才再三籌擬擬請將原設磨盤山巡檢裁撤改設州同一員名曰磨盤山州同仍歸伊通州管轄除命盜正案及錢糧租賦仍照舊章歸伊通州辦理外其該處界內之戶婚田土詞訟等案准其就近審理以期便民至該州同一缺擬請作為要缺遇有缺出於通省人員揀選調補或於候補及揀發人員內酌量咨補俟三年俸滿如無違礙處分即行出具考語咨部開缺以應升之缺升用未升以前仍以原官補用其無原官可補者毋庸開缺令其正任候升至調補之員如不勝任立即調回另行遴員調補仍俟設官後察看情形果能人煙稠密政務殷繁再行奏請改設州縣以資治理惟吉林並無州同之缺應俸役食無案可援今酌定養廉銀四百兩俸銀六十兩每年應給工食門子一名六兩遇閏加五錢皂役八名四十八兩遇閏加四兩馬夫一名六兩遇閏加

五錢馬兵十六名九十六兩遇閏加八兩均查吉省新設各官章程扣除六分減平在吉林斗稅項下發給實銀歸入民官俸工案內報銷此擬定磨盤山改設州同之章程也其設官後所難置爲緩圖者則有設營築城建署三項仍須變通辦理查吉林捕盜營惟廳州縣有之以州同管帶營勇似與向章未符然以剿荒之大專恃衛役緝捕難期得力未可拘泥成例貽誤地方擬揀派外委一員募練步勇五十名由該州同自行管帶至城池爲衛民防守之地內地巡檢司地方多設有城卽係所謂鎮城是也今擬修築土城一座城外挑挖城河一道以資保衛又衛署爲臨民聽政之所州同一官事權非知州比而品級已居知縣之上所建衛署不便與巡檢相等且爲將來改設州縣地步似應仿照伊通州署建造衛署一座以崇體制以上捕盜營勇口糧並城署做法估價均有銘安奏定章程及原估數目可查自應一律照辦毋庸另擬除勇糧並所需軍火款項仍於斗稅項下動用外其城署工程款項均由徵收該處荒價項下支銷查原奏各處徵收荒價原係作爲修城建署之用惟圍地荒價較之他處倍收更應以本地所籌之款爲本地捍患之需所有銀兩應請仍照原奏發給實銀扣除六分減平免其造冊報部以求實濟奴才爲整求吏治因地制宜起見合無仰懇 天恩俯准將磨盤山巡檢一缺裁撤改設州同並添設弁勇以資撫輯而重地方下部肅奏○內午黑龍江副都統成慶以病免○成孚奏奴才昨以上中兩關猝生鉅

險當將籌備搶辦情形恭摺馳奏後查南岸上南廳屬河勢自榮澤壩圍薄下卸尤以鄆州下汛十堡爲頂溜最要之區該工內塘外河堤身本係沙鬆坍塌林立工段更屬綿長經此猛溜趨刷時急事迫實有搶護不遑之勢當經嚴督道屬營委汛弁調集練車兵夫料土兼施磚石並進壘以繼夜冒雨衝風不稍遺餘力與水爭命竊幸夫工料物均經籌備裕如無虞缺乏業經擇要搶鑲埝工一面幫助後戩大局稍可支持詎於十四日尚未黎明正在搶護間該堡迤西無工之處堤身走漏過水卽用氈絮鐵鍋等物堵塞嚴閉上首又復走漏趕緊如前嚴塞乃堤身雖尙寬厚忽漸炸蠶水乘風勢浪湧如山登時擾高數尺水由堤頂漫過當刷寬口門三四丈幸尙未掣動全溜半多仍走中溜歸入正河當失險之際固由事起倉卒風狂浪激人力難施究屬辦理不善咎無可辭所有此案疏防之上南同知余漢上南營守備王忻鄆州州判余嘉蘭鄆州下汛千總陳景山署鄆州下汛額外委郭俊儒均請 旨一併革職俟堵築完竣照例辦理並經奴才已將該屬營汛員弁先行摘去頂戴撤任聽參一面遴委接署以專責成其兼理河務之署開歸道李正榮請 旨交部議處並應參之地方府州查取職名循案核題 奴才覺羅世侯受 恩深重昇以全河鉅任方期竭盡血誠歲報安瀾力圖仰酬 高厚孰意事出意外補救不遑竊屬督率無方萬分惶愧惟有仰求 聖主交部照例懲治以昭儆戒至此次漫口附近居民均見事機危急

先經遷移高阜尙未損傷人口業經捐施賑錢先爲撫恤其較遠村莊有無損傷以及水經之處被災之區商同撫臣飭查明確再行妥籌辦理彼時溜仍湍急南北兩岸工程並中河三四堡等仍多險要該當嚴飭該道等妥慎修防不容稍涉疏懈一面督率道屬擬先估築口門東西裏頭俾免續塌一俟水落歸槽卽當殫竭愚忱勉力籌堵以期稍贖前愆上諭成孚奏南岸鄭州下汛十堡河水漫溢請將文武員弁懲處並自請懲處一摺本年八月間上中兩隴河工猝生鉅險河勢自榮澤縣閘灣下卸鄭州下汛十堡迤下無工之處堤身走漏水勢極高數尺由堤頂漫過棚寬口門三四十丈在工員弁疏於防護實屬咎無可辭該河督請一併革職尙屬過輕上南同知余潢上南營守備王忻鄭州州判余嘉蘭署鄭州下汛千總陳景山署鄭州下汛額外委郭俊儒均著卽行革職枷號河干以示懲儆署開歸陳許道李正榮著摘去頂戴交部議處成孚督辦河防是其專職乃未能先事預防亦難辭咎著摘去頂戴革職留任仍督率在工員弁趕集料物設法搶辦務期迅速成功並先行盤築裏頭以免再行坍塌至該處漫口據稱附近居民先經遷移高阜尙未損傷人口業經得捐撫恤其較遠村莊及漫水經行被淹之處著卽會同倪文蔚查明具奏一面將災黎迅飭賑撫毋任流離失所至南北兩岸正河工程並中河三四堡等工仍多險要並著嚴飭該道屬等妥慎守防毋稍疏懈是爲至要○張曜奏臣前以妥籌防汛事宜擬請酌

添經費一摺本年閏四月二十八日具奏五月初十日奉 硃批該部議奏欽此欽遵在案旋經工部會同戶部覆奏內稱該撫所奏民辦料物改爲設廠採買並以民捻添僱勇夫防守自係體恤民艱保衛地方起見惟查該省黃河防汛經費總計歲撥已有四十萬豈可於額撥之外逐年請增所請添撥銀兩之處未便率行照准等因八月初三日奉 旨依議欽此恭錄咨行到東當經 臣轉飭河防局司道欽遵去後茲據該司道詳稱東省黃河堤長九百餘里臨河民捻又已次第增培防營勇力不繼添募土夫協助堤埝愈修則防守愈關緊要所用料物改定章程設廠採買以省民力在公家多費一分用款而民間所有耗費奚止數倍兼之本年伏汛盛漲異常爲近年所未有若非人力料物預爲籌備隨時隨地遇險即修氾濫爲患情形更不堪設想現值秋汛爲目正長額撥銀兩早已告罄前請添撥經費銀十五萬兩係屬從減估計等情請再具奏前來 臣查築堤防河原古人之下策實今人之上策就令海口疏通必當束水爲槽庶足以慶安瀾有地勢一經漫決必奪全溜者必當以全力與水相爭則所費工料倍於他處凡堤埝一經溜刷不加培壩與無堤埝同有培壩而無料物隨時鑲培與無培壩同料物儲存而人力不備與無料物同搶險之際人力料物偶有不繼一隙失防全功盡棄是全河九百里之長即現有勇夫竭力布置尙有顧此失彼之慮 臣閱歷經年方知河工習氣誠不可有而河工做法終不能踰此防汛經費不

得不求增益之實情也但期少一漫決之處則民間田舍資產保全不少而堵築之費賑恤之款所省尤鉅該司道事核實不敢絲毫糜費前恭摺所請添撥經費銀十五萬兩已督同撥節估計實已省無可省謹再籲懇 天恩俯准添撥以濟要需而免貽誤下部議奏○製陰森奏准於光緒十二年十月初八日業將第三號寶泰快船下水日期並該船丈尺行程里數專摺奏報在案數月以來督率在事員紳工匠併力營造七月初旬全船工竣隨擇於十二日卯刻卯率代理提調王崧辰及工程處各廠所員紳人等致祭 天后展輪試洋是日北風大作潮勢甚壯該船由羅星塔駛至媽祖澳放洋而行船身穩固水缸升火輪機每分鐘旋至九十一轉每點鐘行法速率十五迷盧半合英速率十八迷盧若遇浪靜風平燒用上等英煤每時可行一百里許臣查閩廠自快船工竣一而營造雙機鋼甲輪為粵省協造穹式快船及淡水兵輪鉅工併集其材木之駢羅夫役之奔赴期限之促急製造之繁難非藉羣策羣力以圖功殆難計月計時而畢事臣仍督飭工程處學生魏瀚陳兆騫鄧清濂吳清章楊廉臣李壽田等接聯監造俾資熟手而重要工其南洋監造之委員汪喬年本係製造學生出身現雖快船工竣而閩省工役繁興自應仍留船廠當差藉收臂助除飭管駕官吳安康將該船定期駛赴金陵驗收試用並將該船所用員弁銜名及礮勇水手人等月給薪糧咨由南洋大臣曾國荃奏咨立案外所有寶泰快船試洋並現在廠

務緣由議會同南洋大臣兩江總督臣曾國荃署福州將軍臣古尼音布閩浙總督兼管福州巡撫事臣楊昌濬恭摺由驛四百里馳陳下所司知之○丁未以符珍敬信署正藍旗滿洲副都統德福署鎮藍旗滿洲副都統○以長順署鎮黃旗蒙古副都統奕謨署正紅旗漢軍都統○調祿彭為黑龍江副都統托克湍為齊齊哈爾副都統以雅爾堅為成都副都統○福建臺灣水底電纜成○倪文蔚奏河水自秋分前後積長不消加以陰雨決旬沁黃並漲添波助溜兩岸堤工迭生奇險而南岸上中兩驛尤為緊要迭據總道稟報均飭認真併力分投搶護詎本月初八日河勢忽而更變鄒州下汛自八堡至十一堡被溜衝逼衝刷洶搜立將各埝打底掣動初九初十兩日脫胎陡盤入水之埝計共四十餘段甚有塌及堤身之處危險萬分河臣成孚得報立即馳赴工次親督該管總道等調集兵夫無分晝夜分投撒手搶護並由臣檄派總兵蔣東才率領勇丁一千名副將裴政李家昌等分帶練兵一百四十名先赴工次聽候河臣調撥分赴兩驛幫同力作以冀轉危為安乃十四日寅刻接准河臣工次來函以該工單堤一綫而為全河堆注埝則隨鑿隨盤石則屢拋屢陷險急情形危在呼吸閱信後不勝驚駭當即輕騎減從於是日辰刻馳往會辦並囑藩司寬籌款項用資接濟迭次接函署開歸陳許道李正榮來稟得悉河水已於十二夜間由鄒下汛十一堡上首漫過堤頂旋即崩塌臣仍兼程前進十五日會晤河臣同到漫口查勘大

溜尚未全奪水由東南下趨口門愈刷愈寬一時實難收合此次委因秋雨過多河流盛漲堤身隨塌無  
幾不能鎮靜又值深夜人力難施致被漫溢經與河臣分飭總道購料集夫搶辦裹頭以防續塌一面委  
員確查水勢究由何處行走俟大勢稍定再爲相度形勢籌辦錢糧趕辦堵築隨時分別奏明辦理惟失  
事係在深夜雖近堤居民早經遷徙然漫水所及附近人口田廬仍恐損失不少當復由臣檄飭藩司多  
委幹員紮筏僱船寬帶餅餌席片錢文分赴被水各處賑渡災黎使無失所省城爲根本重地漫水現既  
東趨民情慮有搖動臣亦卽由工馳回妥爲部署以保無虞至此次搶護不力之管河道府並屬汛員弁  
除由河臣查明奏參外臣雖到任未久既氣管河務疏於防範應先請 旨將臣交部議處得 旨覽奏  
均悉卽著懷遵前有將漫水經行被淹處所迅查具奏一面妥籌賑撫以恤災黎並著會同成乎將搶護  
堵築事宜趕緊籌辦毋稍疏懈該撫到任未久所請交部議處之處著加恩寬免○戊申諭軍機大臣等  
河南鄭州十堡漫口黃水經流潁潁等處向爲匪徒出沒之區近來兩湖地方時有會匪滋事目前黃流  
橫決深恐游勇土匪勾結爲患不可不預籌防範裕祿著卽回湖廣總督本任會同該督如已起程無論行  
抵何處卽著迅速回任務將應辦各事妥速籌辦俟河工地方各事宜諸臻安謐再行奏請陛見將此由  
五百里各諭令知之○己酉倪文蔚奏黃河秋汛盛漲搶護不及至南岸鄭下汛十堡於本月十三日夜



閭漫過堤頂已由驛馳奏並請 旨先將臣交部議處在案自臣十六日回省後迭據署開歸陳許道李正榮稟報口門日益刷寬值西北風大作水乘風勢湍悍更甚遂值大溜全擊口門現寬三百餘丈通下河身漸見消涸等語人事天時致此奇變現在河臣成手仍駐工次已會派請習修守之候補道薛福年董克紹分赴東西兩壩帶同精銳勇練各營督飭夫役量料備物趕緊築裏頭勿任續塌臣仍飭司陸續籌款發往以應工需連日查探水勢溜分三股直趨東南下游已奪准入海所至人民廬舍多被沉淪有倖而獲生者率遷移高阜棲息樹枝以待拯援湯析離居極堪憫惻是以籌辦急賑未可稍遲業經札飭藩臬兩司設局經理並添派本任開歸陳許道鞠捷昌候補道朱壽鏞襄辦以昭慎重被水州縣自鄭州中牟尉氏以下尚有通許鄆陵洧川扶溝淮寧太康西華沈邱項城等縣因文報阻滯尚未接據各屬稟報臣未便拘泥先飭司籌款遴委幹員分途攜銀前往或多購船筏設法撈救或廣備饘餅席片散放其殘黎醵聚之處並飭相地設廠煮粥收養免致流離復因旬日間省城糧價驟昂民情疑懼擬即發倉碾穀減價平糶以安人心且距災區不遠每日委員分赴四關遇有流亡到境亦為分別留養資遣此近日辦理急賑之情形也東南路漫水所經州縣前已飛札催查日內必紛紛請款撫恤惟此次水災迥異口門一日不開災民一日不安賑濟之需斷非例定正加月分所能限司庫現存正雜款銀二十餘萬兩

尙不敷本省旗綠各營勇練等餉開支矧值變故猝乘賑務工需均難稍緩卽令補苴有術豈能無米而炊再四籌維惟有仰懇 天恩俯准將短解光緒十二年折漕正項銀六萬兩光緒十三年京餉劃撥穀軍未發九十一十二等月餉銀四萬兩又短解部庫京餉銀一萬兩光緒十二年各屬新漕應歸來年解部漕折正項銀提出十五萬兩應解本年奉裁丁月餉等銀四萬兩共銀三十萬兩一律截留以作賑濟將來災區調緩錢漕入款愈減籌辦堵聚合龍需款愈繁併請自九月爲始將歲穀兩月餉 勅部另行指撥免致貽誤軍需兩有裨益得 旨允行○畢道遠等奏本年六七月間連次大雨通州潮白河漫水過堤塌刷成口永定河南七工漫決四十餘丈此外各河同時漲溢以致順屬各州縣多被水災惟寶坻地勢最窪消水甚遲受災尤重查有 臣高萬鵬前在鳳翔道籌助順賑銀三千兩當卽全數委員解往會同該署縣袁達先辦急撫業經 臣等奏蒙 聖鑒在案一面飛飭被水各州縣迅將災歉村莊趕緊勘明照例飭山各該廳親往會勘妥議稟辦去後茲據通州三河武清薊州香河寶河霸州保定文安大城固安永清東安涿州順義懷柔等州縣先後稟報河水漲溢田河被淹等情前來卽經 臣等嚴飭各該地方官趕緊分別堵疏妥爲安撫除寶坻受災最重已由 臣等籌撥急撫銀款及時拯救外其餘被水各州縣災情均較寶坻稍輕擬一律提早散放冬撫以期災黎早霽實惠惟各屬被水既廣貧民衆多必

須籌畫接濟等伏查歷年辦賑迭經奏蒙 恩賞米石有案本年漫水經行各屬民田被災殊形困苦  
現在籌辦冬撫合無仰懇 天恩俯念近畿緊要 賞撥京倉漕米五萬石專備順屬賑撫之用如蒙  
俞允並請 飭下倉場總督指派倉口飭據乾潔好米由 臣等隨時商請分撥災區核實散放務使實惠  
及民不准弊混冒濫以蘇民困而廣 皇仁至來春應否接濟或需春撫之處再行奏明辦理 上諭畢  
道遠高鵬奏查明順屬被水情形請賞撥漕米一摺本年六七月間雨水過多河流盛漲堤岸漫決順  
天通州等州縣同時被水小民困苦情形朝廷彌深應系亟應籌款接濟以拯災黎加恩著照所請賞給  
京倉漕米五萬石專備順屬冬撫之用卽著倉場侍郎照數發給由畢道遠等分撥災區隨時散放務使  
實惠及民毋任稍有弊混用示軫念民艱至意○癸丑護理廣西巡撫布政使李秉衡以病免○諭河南  
鄭州漫口黃流奪溜南趨沿河居民遭此水厄困苦顛連不知如何景象深宮屢念刻不去懷欽奉 慈  
福端佑康頤昭豫莊誠皇太后懿旨此次決口爲害甚鉅本月二十二日成手奏到後軫念吾民被災之  
慘忘寢滅膳所夕不安自古帝王已饑已溺平時猶念切痾憐矧當此奇災梓至民不聊生每一念及惻  
惻之懷豈能言喻著於宮中節省內帑項下發去銀十萬兩交倪文蔚查明黃流經過被災各地方不分  
畛域核實散給欽此該撫當仰體 聖慈宵旰焦勞加惠災黎之至意遴派妥幹委員分途確查迅速散

放務期實心經理剔除弊端庶災區早沾一日之惠朝廷早紓一日之憂仍將辦理放賑情形速卽馳奏  
○甲寅以田恩來爲山東兗州鎮總兵○以馬丕瑤爲廣西布政使○諭軍機大臣等此次河南鄆州黃  
河漫口所有搶辦河工及辦理災賑各事宜需款甚鉅亟應豫籌的款以濟要需著戶部悉心酌核妥議  
具奏等部議將各省洋藥加徵釐稅自今年正月以後除已由部撥各用不計外所有收數全行存儲以  
備防賑之用並擬將應減應停之項及變通則例再行分具條款奏明辦理得 旨如所議行○諭近來  
各部院值日官及內廷當差各員每遇召見屢有遲誤不到者殊屬不成事體嗣後務當共矢慎勤力戒  
玩泄毋得再有曠誤致干咎戾

光緒八十五

臣朱壽朋敬編

臣潘鴻鼎恭校

九月乙卯朔以廖壽豐爲貴州按察使○劉錦棠奏擬以發遣新疆効力贖罪革員趙沃管理屯田事務  
報聞○丙辰諭烏拉布奏遵查專案工程請旨辦理一摺所有 奉陵榮親王園寢禮部龍亭庫等工著  
派本年承修另案工程之大臣麟書徐卬敬謹承修○丁巳以周盛波爲湖南提督○畢道遠以病免以  
李鴻藻爲禮部尙書○諭軍機大臣等朝鮮奏陳各節情詞恭順具見惻忱朝鮮與各國立約既有派使  
互駐之條遴員前往自無不可惟該國物產無多商務未旺加以頻年多故國用日繁若再派使分駐各  
國並無應辦之事從此長年頓添巨款嗣後若經費不繼中輟或勉力籌措債負日增既於國計無裨轉  
致遠方騰笑朝廷代爲區畫殊屬非計該國王務仰體中朝矧庇保全之意將此事詳籌終始審慎而行  
至於派駐之後體制交涉務歸兩全所有派往各國之員與中國往來均用屬邦體制前經李鴻章電奏  
該國已遵章辦理其餘未盡事宜仍著李鴻章隨時通問籌商務臻妥洽轉由李鴻章奏請聲明未盡事  
宜三端一韓使初至各國應先赴中國使館具報請由中國 欽差挈同赴外部以後卽不拘定一遇有

朝會公議酬酢交際韓使應隨中國 欽差之後一交涉大事關繫緊要者韓使應先密商中國 欽差核示得 旨如所議行○戊午調許庚身為吏部右侍郎仍兼署兵部尚書○以屠仁潤為刑部右侍郎潘祖蔭兼管順天府尹事務○倪文蔚奏現在黃沁兩河同時失事災區較廣賑用孔殷仍當勸募官紳士庶樂輸助公歛之末逮臣已捐廉一千五百兩以為之倡發交賑務局應用報聞○己未予故總兵陳國瑞於江蘇高郵寶應等處立功地方建祠○翁同龢潘祖蔭奏本年八月十三日鄭州上南關黃河決口三百餘丈金河斷流 朝廷肝食 詔辭嚴切責令河臣督率工員趕集料物設法搶辦迅速竣工薄海臣民同深感戴數日以來外間議論或謂乘此可復故道幾疑決口不必遽塞臣等愚見以為現在水勢斷不能入黃河故道山東之患仍未能弭顧壽州淮徐揚一帶患且不可測請為 皇太后 皇上 一一陳之伏考黃河自大禹之後行北地者三千六百一十餘年其南行者不過五百一十九年是黃河由雲梯關入海本不謂之故道也即使指為故道而現在鄭州決口由賈魯河入淮直注洪澤湖洪澤湖形如側金北高南下斷不能導之使出清口其去故道尚不止百餘里安能挽既倒之狂瀾循久淤之舊轍乎故曰現在水勢斷不能復入黃河故道也或者曰山東數被水害遂以黃河南流為幸不知河性利於北行自金章宗以後河雖分流大德中決蒲口至正中決金堤有明一代決而北者十四次決而南者

五次我朝順治康熙以來決而北者十之九決而南者十之一況今之淮水全無經行之渠黃水入淮安有歸宿之地下流不得宜洩上游必將復決決則仍入山東境內齊魯之間安能高枕哉故曰山東之患仍未能弭也至於黃水南注害不可更僕數約略言之有一天患有五可慮現在黃水決渠直注洪澤而清河以下淮口久形淤墊吳城十四堡久不通水僅張福口引河闊不過數丈其大溜由壽縣陷俗名三河之處並而東注以寶應高郵邵伯諸湖爲陂澤以運河爲尾閘天下河一帶數百萬生靈僅恃東岸一綫之堤以爲防護業已岌岌可危今忽加一黃河則運河東堤必不能保大患一洪澤湖淤墊以後洩出數千頃柴灘昔已設立湖灘局按畝升科吳城七堡一帶石工又已拆築清河城垣高家埝久不可恃黃河勢悍入湖以後難保淤灘不立時坍卸昔潘季馴河臣議曰高埝較寶應高丈八尺較高郵高二丈二尺高寶堤較興化泰州高丈許或八九尺後來湖墊益高高家埝且高於寶應高郵諸水數倍挾數倍建瓴之勢以溜千里之平原故俗有決高埝淮揚二府不復見之謠明隆慶四年高埝潰全淮東注決寶應之八纒山暨高寶興泰江東諸縣悉爲巨浸命潘季馴治之久而後安然彼時尙只一淮水也若黃淮並合不東衝裏下河卽南灌揚州是江淮河漢併而爲一矣東南大局何堪設想大患二裏下河州縣爲產米之區各處起解胥取於寶應江北一帶萬一被水淹沒漕米何從措辦可慮一卽今漕米如故或因

黃水挾河淤墊過河不能浮送或因積水漫溢緣道無存漕艘停滯且山東本係借黃濟運近以遠去沂汶微弱水從何出河運必廢可慮二兩淮鹽場胥在范公堤東運一潰范堤亦不能保鹽場淹沒淮鹽國課何從征納可慮三頭縣徐海之地好勇鬪狠夙稱難治小民蕩析離居無所得食難保不滋生事端可慮四黃汎合淮勢不能局於湖漚必將別開一地自尋入海之路橫流猝至朝東暮西江鄉居民莫保旦夕之命可慮五此鄭州決口所以不得不速籌堵塞者也然上游雖塞而現在已經入湖之水亦須早籌宣洩譬如人身既患臌脹或肚上或肚下必居其一今雖未知水勢所向姑爲遙度之詞假令黃海合力竟至破高埝入高寶明湖不能容則運河東西二堤必不能保東下河數百里一片汪洋如入壺中四無出路東下河地勢西北俯東南仰導之之術似宜順其就下之勢由興化以北歷臄臄傅家場等處入黃河身避過雲梯關以下淤沙橫穿而北開濬大通口四十餘里入於潮河以達灌河海口如此則取徑直捷形勢較便經費亦不至過鉅可否 飭下兩江督臣漕臣察看情形妥籌辦理所謂設法補救者也 上諭軍機大臣等翁同龢等所稱黃河南決懇飭速籌堵塞並設法補救一摺覽奏均悉此次鄭州決口爲患甚鉅翁同龢等所稱黃水南注有二大患五可慮均係切中事理之言所稱順其就下之勢由興化以北歷臄臄傅家場等處入黃河身避過雲梯關以下淤沙開濬大通四十餘里入潮河以達



瀋河海口等語著曾國荃盛士杰體察情形卽行籌議覆奏如別有疏導善策並請多方規畫迅卽籌辦  
○庚申祭 歷代帝王廟遣魁斌行禮○穆圖善等奏盛字營練軍於本年六月初一日一年期滿應遵  
原議更番換練撤半歸農補半入伍所有更換事宜前經奴才等體奏在案旋據兵司呈報兵丹全數調  
齊奴才等會同挑選身體偉壯年力富強者計挑一千七百三十五名制兵五百名共挑二千二百三十  
五名足符撤補之額內除教習山京調營戈什哈共十五名仍占原額不換外卽以西丹換西丹制兵換  
制兵飭由總統幫統轉交兩翼統領令其入伍操演其應撤回兵丁共二千二百三十五名已飭兩翼統  
領分晰造呈清冊分咨備案其應給津貼亦卽按月按名發給俾作養贍之資並飭司傳知各旗佐所撤  
兵丁不准包出謀生以期兵力之厚與奴才等現於七月二十六日會同各營兵丹新舊合操聲勢尙屬  
聯絡步伐亦有規模奴才穆圖善復逐日親閱打靶校量準頭命中亦有四五成之譜當卽嚴飭該將領  
等從此認真督操精益求精自能成爲勁旅現在奉天換練事宜辦理俱已就緒奴才穆圖善卽擇於八  
月十三日前赴吉林校閱隊伍吉林換練情形前經吉林將軍咨商奏明緩至秋後應如何舉辦之處屆  
時再會同吉林將軍希元妥商具奏至奴才穆圖善起身之後奉省練營如有緊要事件應由奴才慶裕  
隨時酌辦報聞○葉伯英奏陝省前因盜風日熾經前撫臣邊寶泉將情重盜案及平空搶奪婦女已成

殺傷事主各犯暫准就地正法經刑部議覆奉 諭旨允准欽遵在案竊思當日奏定章程原欲火烈民畏或可漸息澆風乃自定章以後歷年拿獲情重各犯雖均照章懲辦而強暴並未洗心地方仍不安靖且失事之後往往賊遁贓消日久無獲查陝省搶劫匪徒惟各處告假遣勇暨甘肅安插回民多有馬匹其持械連騎到處搶奪得手瞬息遠颺他處頗與山東等處馬賊相似此外多係鄰省種地客戶本地無業游民該犯等既無馬匹又鮮棲止之所各劫得財物必須僻處收藏搶獲婦女更難掩人耳目若非有勾引容留之人何至地方常有案件破獲為難蓋緣有此無賴之徒有盜賊窩主平日或潛匿場市或居住偏僻交結匪類來往容留代為探聽封厚之家賄通消息作綫引導劫得財物坐地分贓當時則為之收留事後復為之銷贖及至事發早已遣令遠颺又有興販等戶房屋極為幽僻甚至開挖窖窖行蹤詭秘夥黨眾多凡匪徒搶奪婦女交與藏頓強者則關禁哄誘弱者則恐嚇欺凌務使婦女親屬無從探聽尋覓迫日久事隱非販往他處嫁賣即用強迫勒賣姦種種不法實屬罪不容誅在匪徒恃窩頓為巢穴窩頓藉匪徒為爪牙朋謀勾結狼狽為奸大為地方之害今欲整頓地方須以嚴辦為先而欲清盜源尤以重懲窩頓為要查律載強盜窩主造意身雖不行但分贓者斬又例載聚眾開窩誘取婦人子女藏匿勒贖事發為首照光棍例擬斬立決又窩隱川販果有指引捆綁藏匿遞賣確據者審實照開窩為首例

同川販首販皆斬立決等語是窩主頓戶律例本有嚴辦之條陝省盜案及搶奪婦女殺人皆係照章就地懲辦其窩家頓戶核與搶劫之犯事異情同近年湖北山西各省奏定章程窩家頓戶均請照章懲辦陝省與該二省壤地相接風氣亦復無殊似應一律辦理以示懲創擬請嗣後強盜窩戶造意分贓及頓戶興販誘取婦女藏匿勒贖為首之犯州縣拿獲訊供稟報即遵照歷定章程批飭解歸該管道府覆訊或派員前往會訊果係供證確鑿罪無可疑併准暫行就地正法仍按季彙奏俟數年後此風稍息再復舊制等情據臬司黃彭年具詳前來臣查陝屬界連五省匪徒往來溷跡特有窩頓輾轉勾引擾害地方破獲為難近年情重匪犯雖經訊明照章嚴辦而搶劫之風迄未少戢該司議請重辦窩家頓戶實為清理盜源綏靖閭閻起見謹會同陝甘總督臣譚鍾麟附片具陳伏乞 聖鑒勅部議覆施行下刑部議奏

○辛酉以劉元勳為浙江處州鎮總兵○諭河南鄭州決口下游被水成災業經欽奉 懿旨特發內帑銀十萬兩並准倪文蔚所請截留銀三十萬兩念此次黃水橫流災區甚廣饑民待哺嗷嗷尙恐不敷散放加恩著將光緒十四年分江北及江蘇應行河運京倉米石並水腳運費等項一併全數截留即著會同李鴻章士杰崧駿陳彝倪文蔚遴派妥幹委員查明河南等省被災處所分投運解核實放發務使窮黎均沾實惠毋任官吏稍有弊混用副朝廷軫念災民有加無已至意一面將籌辦情形先行馳奏○癸亥

曾國荃等奏八月十四日河南鄭州地方黃河漫溢水悉入淮臣盧士杰於十四日接到東河督臣成孚河南撫臣倪文蔚電音當卽轉電各處並派弁分探水勢臣裕祿派候補道黃祖絡吳修鈇查看各工相機布置亦飭淮揚道臣將湖水各工擇要加築臣崧駿一聞此信卽飭司道派員查明水勢籌備撫恤災黎臣國荃二十二日由金陵起程二十四日抵揚州接大學士臣直隸總督臣李鴻章電稱欽奉 寄諭飭令從緩北上用卽查看各工於二十七日到清江浦適臣士杰接到東河督臣咨送奏稿內稱鄭州漫口漸次奪溜正河下游斷流口門刷寬三百餘丈深一丈七尺等語因在浦連日面商此次黃河漫口全溜既已入淮一旦湍流驟臣悉注於洪澤一湖既非黃河之故道又無歸海之正途其患何堪設想查洪澤湖爲淮水尾閘而淮揚兩府又洪澤湖之下游也每年淮水長發湖堤喫重淮揚亦岌岌可危今以湍悍之黃河匯淮東下其危險更百倍於尋常黃水入淮所行皆淮之舊路卽當以防淮之法防之現在臨湖壩埝槽土子堰及吳運河東清等壩經臣士杰飭該管道趕緊修築其高寶一帶情形尤重該處東西兩堤雖已擇要修整惟平時可緩之工今已變爲至急亦經札飭堤工局司道加意增培以防泛溢此修守蒞工之大概情形也查治水不外宜防二策而宜之爲用尤多洪湖出路本有二處一由東清壩而達清江一由禮字河而趨高寶諸湖然皆由運河以入江倘宜洩不及則遞啟高郵各壩由下河逶迤入海

惟是入江既患頂託入海又恐港窄今者大患特至不能不於湖之上游多籌出路二條分支宣洩庶幾下游之患稍輕數十萬生靈之身家性命尙可保全據徐州道時蒞博探驛議稱桃源縣有成子河一道南接洪湖北至舊黃河又北爲空地又北爲中運河若就成子河大加挑挖通於舊黃河再於空地接挑河身使之直達中運河兩岸各築一堤卽可引所漫之水由揚莊舊黃河至雲梯關入海此洪湖上面新闢一去路也臣等現已議定卽派段詰辦理一面勘估一面興工以爲分洩大溜之計又據署淮揚海道劉鍾靈廣集衆論稱清河縣境內有碎石河一道西接湖濱之張福口引河東達舊黃河同治七年前漕臣張之萬曾經挑濬以分湖水若將碎石河大加挑挖亦可引所漫之水出揚莊舊黃河至雲梯關入海此洪湖下面新闢一去路也臣等現亦議定卽派劉鍾靈徐文達辦理一面勘估一面興工爲急救目前之策一俟兩河挑有頭緒卽須堵閉順清河使湖水不致闖入運口以順其東出揚莊之勢臣等非不知得黃河底高於湖面挑挖甚難工費甚鉅中運河來源太多修守喫重祇以求減黃淮合流之盛漲以保裏下河數千萬之民生不得不竭盡人謀力圖興辦臣裕祿所派之黃祖絡吳修鼓與段詰劉鍾靈徐文達均係河工老手實心任事數日之內詳考形勢測量高下詢之老於河務之紳士耆舊衆謂舍此別無良法臣等是以定議但使人力可施卽行毅然興辦此別籌分洩之黃淮合流去路之大概情形也至於

修守積工費已甚鉅而別籌分洩用款更多祇以事機至迫淮南北千餘里民間之性命室家所關太大正宜趁此九十一三箇月內晝夜趕辦速引全洩之路不敢拘泥成規往返周折遷延時日致誤事機臣等一面會奏一面在於江蘇司局各庫無論何款提撥銀二十萬兩並在於江寧司局各庫無論何款提撥銀十五萬兩以應修堤挖河之急至於勘估要工繪圖貼說籌備經費以竟河工設法撫恤安置災黎勸導官紳商民殷實之戶捐助河工賑款容臣等隨時奏明次第辦理總之力求撙節斷不敢稍任虛糜以期仰慰 宸衷於萬一得 旨覽奏均悉所籌修守舊工及分洩情形尙屬周妥卽著督飭各員認真辦理以衛民生○乙丑諭成孚倪文蔚奏會勘堵築事宜一摺據稱鄆州下汛十堡漫口督飭工員竭力堵築已將東西兩壩裹頭設埝三十餘段鑲辦完竣現在盤築壩基購料興工惟需款甚急請籌撥等語鄆州決口後水勢直趨下游該處河工關係數省民命若不亟籌堵合爲害伊於胡底成孚倪文蔚當趁此霜清水落之時趕緊聚集物料將壩基等工盤築堅穩節節進占務期及早合龍以免遷延遲誤所需款項著先由部庫提撥銀二百萬兩尅日解往未到以前准其由司庫提款應用仍著戶部陸續籌撥的款源源接濟以期無誤要需朝廷不惜帑金爲民捍患該督等務當嚴飭工員實心實力妥速辦理員弁中有始終勤奮異常出力者准其從優保獎破格施恩倘敢草率偷減藉端牟利卽著分別嚴行參奏

按照軍法從事勿稍寬貸成乎疎防於前厥咎甚重倘不知愧奮靡帶無功定卽重治其罪決不姑容倪文蔚身任地方亦屬責無旁貸前因甫經到任從寬免其議處該撫當激發天良同心協力速議要工慎勿諉卸干咎凜之○命前山西布政使紹誠降調浙江按察使陳寶箴前山東按察使潘駿文均往河南隨同成孚倪文蔚辦理河工事宜並飭鑲黃旗滿洲都統兩廣總督山東巡撫飭令該員迅速赴工毋稍遲誤○丙寅 上幸北海閱射○諭軍機大臣等鄭州決口將來堵合後河流依歸北趨著趁此湍流驟減易於施工將來明長垣開州一帶河身及時挑浚並將兩岸堤埝加築堅厚○諭倪文蔚奏知縣虧欠交代延不完繳請旨革職拿問等語河南休致宜陽縣知縣謝應起虧短正雜銀兩業經摘頂勒追迄未完解竟敢潛回山東原籍實屬膽玩謝應起著卽革職拿問著倪文蔚提同經手丁書研訊是侵是挪照例監追究辦其各任所寓所及原籍財產一併查封備抵以重庫款○希元等奏吉林機器製造局添造廠房及南山火藥局等項工程一律完竣下工部知之○丁卯諭軍機大臣等御史周天霖奏請開河工捐輸以應急需一摺著戶部議奏○賞給五城及崇善堂等處粥廠米石○沈秉成奏廣西地處邊陲事繁任重現當龍州倡辦商務尤關緊要差委之員必須熟悉洋情動合機宜者方資得力與他省情形不同溯查前經吏部議覆給事中孔憲毅等奏各督撫不得再行奏調翰林部屬等官摺內聲明嗣後除軍

務省分司員及辦理中外交涉事件按章仍准奏調候補候選人員等因今粵西倡辦商務係屬中外交涉事件調員差遣核與更定新章相符茲查有內閣中書照方燧江蘇候補知府方德驥江蘇候補知縣丁紹芬江蘇試用府經歷馬瑞熙候選州判趙榮彬均尚熟習洋務洵爲不可多得之員合無仰懇 天恩飭令該員等前赴廣西交臣差遣委用以收指臂之助 上諭沈秉成奏請調員差遣等語內閣中書照方燧江蘇候補知府方德驥候補知縣丁紹芬試用府經歷馬瑞熙候選州判趙榮彬均著前赴廣西交沈秉成差遣委用○戊辰劉錦棠奏新疆省城擬添設稅務總分各局請 旨飭下總理各國事務衙門會同俄國駐京公使酌擬稅則以便興辦得 旨該衙門核議具奏○諭劉秉璋奏特參交代虧短各員請旨革職分別查抄監追開單呈覽一摺四川已革知縣湯俊等前在各本任署任內虧短交代等項銀兩爲數甚鉅迭經勒限嚴催迄未完解實屬玩延候補知縣陸銘前任敘永廳同知李德亨候補同知顏佐才前任天全州知州戴希浩金堂縣知縣汪懋源興文縣知縣常倜候補知縣丁鳳昌均著卽行革職內陸銘一員同已革知縣湯俊楊治徐思溫三員著順天府府尹江蘇湖北浙江廣東安徽各巡撫拿問派員押解赴川監追湯俊楊治徐思溫陸銘同已革知縣陳枝連潘貽薪原籍各家產一併查封備抵並著山西貴州直隸陝西各督撫順天府府尹勒令李德亨顏佐才戴希浩汪懋源常倜丁鳳昌各家屬



將虧項照數繳解以重庫款○已已諭軍機大臣等御史李士琨奏河工需款甚鉅請飭各省設局開捐一摺著戶部歸入周天霖摺一併議奏○以周瑞龍爲湖南鎮筵總兵○葉伯英奏陝西南山興漢兩府及商州所屬界連川隴楚嶺山深林密路徑紛歧向爲匪徒出沒之區歷年雖整頓團練保甲飭令地方官會營拿辦乃此輩彼竄迄未盡絕根株其平原及北山各屬又因連年豐荒各省客民紛至沓來且新疆軍務肅清各營告假遣勇往來不絕難免匪徒涸跡而南山五方雜處民情浮動尤易誘惑故莠民之多更復甲於通省查紅黑簽匪名目山來已久其始不過佩帶刀械三五成羣擄掠鄉閭貴爲紅簽夜爲黑簽尙不至大爲民害自軍興以來散勇游民隨處結聚往往私立山堂口號結拜訂盟會匪之風日熾而簽匪遂有與會匪勾結者亦有既爲簽匪復爲會匪者彼此效尤無惡不作其宰鷄滴血傳授口訣綽號排行竟與會匪無二其公然剽奪報仇殺人倡亂謀逆亦與會匪行徑相似現查漢中興安商州各府州匪徒平日結黨連羣游行無定小則糾竊丟包大則刦財傷人詐訛財物姦佔婦女習以爲常差役往拿紛紛獸散並有逞兇拒捕之時如同類相仇則糾衆械戈儼同臨敵如眾匪忤意則割筋斷掌斃以亂刀每遇會集場期糾結動以百計鄉民恐其黨與衆多肆仇報復受害太鉅卽隱忍不言約保人等希圖無事不與爲難甚至送給錢米令其他去種種兇橫毫無忌憚當茲各省安謐陝西年穀屢豐地方無

事該匪等竄匿山澤勾誘貧民隨處滋擾尙不過意在得財爲苟延旦夕之計誠恐勾誘愈久黨與日多難保不造謀倡亂滋蔓難圖昔年粵省黔省之亂往事可徵且近年川省大竹大邑二縣攻城焚掠起事皆由發匪閩浙湘粵等省會匪又屢謀逆幸皆先事破獲陝省居天下上游南北二山又爲關中屏蔽豈容此等醜類貽害地方從前辦理匪案拿獲訊實不過誅其首要數人其餘鎖繫羈押限滿釋放故應復萌追拿獲獲訊供詞無不狡展是否著名積匪前在他處曾否犯案往往無從究詰姑從寬貸檢查光緒七年刑部奏定章程各省盜案如實係土匪馬賊會匪游勇案情重大並情同叛逆之犯暫准就地正法至會匪發匪起意糾夥結拜爲害地方陝省歷年拿獲雖均援照前章懲辦第部章語意渾括若非明定專條辦理終鮮依據且非懸以厲禁嚴懲怙惡不足以鋤頑梗而儆愚戢至爲從罪不至死情節較輕被誘被脅爲從之犯歷年亦因無定章或照例擬以軍流或酌量鎖繫鐵桿石墩或枷杖遞籍管束辦理殊不畫一其非擬軍流之犯均須解往他處安置不特非就地懲辦不能使衆目共覩咸知儆懼且近來該匪等蔓延各省彼此消息暗通多相聯絡其解審發配長途轉解刻奪免脫在在堪虞即使到配安置地方官防範稍疎仍不免在配誘惑到處滋擾殊無以消其桀驁之氣轉其玩法之心定例閩粵各省不法匪徒潛謀糾結復興大地會名目搶劫拒捕者首犯與曾經糾人及情願入夥希圖搶劫之犯俱擬斬立

決又咸豐五年陝省奏定章程嗣後拿獲刀匪其罪犯軍流均於應得本罪上加一等定擬至罪名擬徒之犯毋庸解配在籍以大練鎖繫巨石五年罪應擬杖者鎖繫巨石三年限滿果能悔罪自新或有親族保領地方官查實隨時開釋倘釋放後復犯卽鎖繫巨石不拘限期各等語今陝省會匪簽匪種種兇暴情形核與從前開導等省天地會匪糾約勾結爲害地方情形正復相類前奉部章會匪等項情同叛逆原許就地正法茲悉心酌議擬請嗣後陝省簽匪會匪起意爲首糾劫入夥至數十百人之多情同叛逆及搶劫拒捕互相仇殺搶奪姦拐婦女暨合夥窩在外丟包訛詐坐地分贓並爲從曾經糾約數十百人情願入夥希圖搶劫之犯該州縣拿獲訊明錄供稟報查核案情批飭該管道府提訊或派委道府前往審明果係供證確鑿罪惡昭著卽行就地正法傳首犯事地方懸桿示衆仍照章按季彙奏一次其甫經起意糾結人數無多又僅止繕竄並無搶劫等項重情首從各犯及被拐被脅各犯俱按其所犯情罪分別以大練鎖繫巨石罪應軍流者鎖繫不拘年限如原犯重罪鎖繫已過十年以外流罪已過八年以外查其果能悔罪自新並未滋事又有地方公正紳耆親族人等保領者出具切結准其釋放如不能改悔又無紳耆人等保領卽永遠鎖繫其罪應擬徒者鎖繫巨石五年罪應枷杖者鎖繫巨石三年限滿有親族保領亦准釋放以上鎖繫各犯均於案結時於右面分別深刺簽匪會匪字樣其實係游蕩未久尙可

望其自新者著於右小臂刺字若釋放後復敢結黨滋事或於鎖限內潛逃是真甘心爲匪怙惡不悛原犯軍流者卽行正法原犯徒罪以下罪名較輕亦未便遽置重典拿獲遞加鎖繫二年並刺明再犯字樣如再不知改悔仍復勾結爲害之犯拿獲卽行正法地方官每辦一案仍復報明查核按季彙報如此嚴定科條庶匪徒知所忌憚消患未萌良醫亦獲安全矣下刑部議奏○庚午楊昌濬等奏臣等於光緒十二年六月十三日會奏臺灣改設事宜摺內聲明彰化等縣地與太廣亟須添官分治奉 旨該部議奏欽此旋經部咨議令酌度情形奏明辦理等因伏查臺灣疆域南北相距七百餘里東西近者二百餘里遠或三四百里崇山大溪鉤連高下從前所治不過山前連南一綫故僅設三縣而有餘自後榛莽日開故屢增縣治而猶不足光緒元年沈葆楨請設臺北府縣以固北路又將同知移治卑南以顧後山全臺官制粗有規模然彼時局勢未開擇要修舉非一勞永逸之計也臣等公同商酌竊謂建置之法恃險與勢分治之道貴持其平臺省治理視內地爲難而各縣幅員反曠多於內地如彰化嘉義鳳山新竹淡水等縣縱橫二百餘里三百里不等倉卒有事鞭長莫及且防務爲治臺要領轄境太廣則耳目難周控制太寬則聲氣多阻至山後中北兩路延袤三四百里僅區段所設礮堡並無專駐治理之員前寄清虛亦難遙制現當改設伊始百廢具興若不量予變通何以定責成而垂久遠臣銘傳於上年九月親赴中

路督辦番沿途察看地勢並據各地方官將境內扼塞道里田園山溪繪圖貼說呈送前來又據撫番清賦各員升將撫番地所陸續稟報謹就山前後通局籌畫有應添設者應改設者應裁撤者查彰化橋孜圖地方山環水復中間平原氣象宏敞又當全臺適中之地擬照前撫臣岑毓英議就該處建立省城分彰化東北之境設首府曰臺灣府附郭首縣曰臺灣縣將原有之臺灣府縣改爲臺南府安平縣嘉義之東彰化之南自濁水溪至姑石圭溪止截長補短方長約百餘里擬添設一縣曰雲林縣新竹苗栗街一帶扼內山之衝東連大湖沿山新墾荒地甚多擬於新竹西南各境添設一縣曰苗栗縣合原有之彰化及埔里社通判一屬四縣均隸臺灣府屬其鹿港同知一缺應即裁撤淡水之北東控三貂嶺番社歧出距縣太遠基隆爲臺北第一門戶通商建里交涉紛繁現值開採煤礦修造鐵路商民麇集尤賴撫綏擬分淡水東北四堡之地撤歸基隆屬管轄將原設通判改爲撫民理番同知以重事權此前路添改之大略也後山形勢北以蘇溪爲總隘南以卑南爲要區控扼中樞厥惟水尾其地與擬設之雲林縣東西相直現開路一百九十餘里由丹社嶺集集街徑達彰化將來省城建立中路前後脈絡呼吸相通實爲臺東鎖鑰擬添設直隸州知州一員曰臺東直隸州左界宜蘭右界恆春計長五百餘里寬約四十里十餘里不等統歸該州管轄仍隸於臺灣兵備道其卑南廳舊治擬請改設直隸州同一員水尾迤南改爲

花蓮港屬其內已墾熟田約數千畝其外海水深數丈稽查商舶彈壓民番擬請添設直隸州判一員  
常川駐紮均隸臺東直隸州屬此後路添設之大略也並按臺灣疆土賦役日增月廣與舊時羈縻舊置  
情形迥不相同因地制宜似難再緩況年來生番歸化猛獁之性初就範圍尤須分道拊循藉收實效輯  
遐隔邇在在需員等身在局中既不敢遇事紛更以紊典章之舊亦不敢因陋就簡以失富庶之基損  
益酌中期歸妥協下部議奏○辛未徐郵奏准揚寶無位置黃河之處先宜籌宣洩之方再力求堵合之  
法得旨著會同盛宣懷士杰體察情形妥籌具奏○唐炯奏據知縣于德琳自東洋電報礦師二人業已  
聘定並酌定應用器械約八月底自日本起身計十月底可入滇境屆時臣當親赴昭通東川曲靖三府  
貴州威寧一帶相度開辦銅鉛各廠俟有成效西南兩邊再漸次推行至招商局承辦八起頭批現僅得  
銅二十餘萬斤臣仍督飭極力趕辦務於年內足數以便起運不敢遲延下戶部知之○王申諭軍機大  
臣等李鴻章奏永定河南七工漫口現在若就原口堵築及就南堤外改道均屬工艱費鉅驟難辦理自  
係實在情形著熟思審處或仍就故道或別立堤防務求一經久妥善之策奏明辦理○癸酉恭銳等奏  
黑龍江省交錯蒙古部落地廣民稀向設南北兩路站官督率站丁專司站務前因開辦電綫工程一切  
事宜非地方實職人員會同電工委員恐致呼應不便先經奴才等札委度興站官承春專辦南路期於

委員入境安綫運料不致貽誤乃該站官性情拘執未能和衷商榷於應辦事件漫不經心幾至延誤要工當由奴才等查核屬實未便稍事姑容應卽撤任留省察看漢委署理以重職守其北路電工現已設至黑龍江城奴才等加派委員幫同北路站官樁精額加意照料尙稱妥速謹附片陳明報聞○甲戌戶部奏河南鄭州黃河漫口墾溜南趨仰蒙 聖慈特頒內帑急賑災黎迭次欽奉 諭旨截留京餉南漕以資賑撫 鴻施迭沛凡有血氣感泣同聲復於八月三十日由軍機處交出軍機大臣面奉 諭旨此次河南鄭州黃河漫口所有搶辦河工及辦理災賑各事宜需款甚鉅而應撥籌的款以濟要需著戶部悉心酌核妥議具奏欽此當經 臣部議將各省洋藥加徵釐稅自今年正月以後除已由部撥各用不計外所有收數全行存儲以備防賑之用並聲明再由 臣等將應減應停之項及變通則例再行分具條款奏明辦理奏奉 諭旨依議欽此欽遵在案伏維黃流尙無歸宿汎濫之處必寬淹漫之日必久億萬生靈嗷嗷待哺現據河 臣奏報口門刷至五百餘丈之寬則河口一日不堵民生一日不安卽 朝廷愛勤一日不釋現經欽奉 諭旨令於部庫提撥銀二百萬兩尅日解往此後仍陸續籌撥工程浩大卽使修防得手尅日奏功而五六百萬之鉅款何從籌撥查歷次河工用款皆以捐輸爲大宗現在海防捐輸擬改爲河工事例尙須詳細酌變通辦理除另摺陳奏此外應籌款項 臣部再三集議既不便將一切支

款概行核減更不敢遇事搜括累及小民際此時艱萬分焦急不得不於無可設法之中竭力籌措惟有裁長夫停購買改米折調防營以及勸諭鹽商隨號各商捐輸集款以佐經費之不足謹擬各項辦法六條另繕清單恭呈 御覽得 旨覽奏均悉裁撤長夫暨鹽商捐輸當商隨號交銀三條著照所請行餘毋庸議現籌各款均非現銀恐停工待餉貽誤要需仍著該部於附近河南各省應行解部的款先行指明劃撥以期迅速應用俟所籌積有成數再行分別歸款 籌備河工賑需用款辦法六條 一外省防營長夫擬概令裁撤也查長夫一項原爲征兵而設現在外省皆係防軍並非出征可比近年以來外省長夫餉銀開銷至一百數十萬兩之多如將此項裁撤移作河工之用亦可成一鉅款況河南山西湖北安徽江西等省均已一律裁撤甘肅新疆練軍亦無長夫之名歷時已久皆能相安無事等公同商酌擬令凡有防營省分除河南等省均已一律裁撤外其餘無論沿邊沿海各營長夫自本年十一月初一日起全行裁撤每月節省銀若干限於年內迅速奏報統計騰出銀數專作河工之用 一購買外洋鎗礮船隻機器等項及礮臺各工擬令暫行停止也查外省購買外洋鎗礮各項船隻以及修築洋式礮臺各工每次用款動需數十萬兩均須由部籌撥竟有不候部撥已將本省別項挪用遂致應解京協各項每多虛懸追經飭催輒以入不敷出轉請部中改撥他省竊計十餘年來購買軍械存積甚多鐵甲快船



新式礮臺業經次第添辦且外省設有機器製造局福建設有船廠歲需經費以百萬計儘可取資各處不必購自外洋邇來籌辦海防固屬緊要而河工鉅款待用尤殷自應移緩就急以資周轉擬請飭下外省督撫所有購買外洋鎗礮船隻及未經奏准修築之礮臺等工均請暫行停止俟河工事竣再行辦理一在京官員兵丁應領各項米折銀兩擬分別停止變通也米折一項原因倉儲不足用銀搭放專動庫存漕折之款近來部庫進款日減出款日增本年劃撥截留已短進六百餘萬兩現在河工緊要奉旨提撥庫銀二百萬兩因係正項不得已由漕折項下動用惟米折一項無款另籌食米折開放之數官員兵丁每人所得甚微而總計部發之款每年約須百餘萬兩若一律全行停止在官員所損無多恐兵丁生計有礙今擬變通辦理自光緒十四年正月起將在京王公百官米折銀兩暫行停止一年兵丁應領中米每米一石內加放一斗五升本色實米將米折銀兩一律停支一年庶庶款稍可周轉而兵丁多領一成五實米似亦有所裨益一酌調附近河南省防軍以節經費也查此次河工情形甚重一切堵築疏濬必須廣募民夫需費甚大現在庫款支絀籌措匪易各省防營近無征調之煩均係駐紮無事若調附近豫省防軍協同工作仍食本餉以補經費之不足於河工不無裨益擬請旨飭下附近豫省督撫體查情形與豫省河督商酌遣調迅速聲明辦理一各省鹽商應令捐輸請獎也查長蘆兩淮山

東廣東浙江等省鹽商從前凡過軍需河防災賑無不踴躍捐輸咸豐年間軍興以後商力雖不如前而小邇堡清水潭等工及協助各省賑款並光緒六年籌備餉需兩淮商人亦先後捐過數百萬兩並查兩淮鹽商前於籌備餉需案內該督奏准公捐一次共銀一百萬兩且稱寬恤一時正以備緩急於吳日等語現在河工用款浩繁擬援照成案捐輸濟用應令兩江督臣轉飭兩淮運使按照引票勸諭該商等捐輸一次其餘鹽務省分情形不同應並令各該督撫就行鹽地方體查商情督飭運使鹽道接引按票勸諭各該商等普捐一次以濟經費如捐有成數專款存儲迅即報部候撥並准按所捐銀數給予虛銜封典獎敘各該督撫務當實心實力趕緊勸辦並限一月內將如何籌辦情形先行奏報不得以商情疲累空言搪塞致誤要需 一當商匯號應令分別交銀也查當商每年所完當稅各省數目不同然至多亦不過五兩交納零星地方官不免侵吞挪用今擬令各省查明各予收照註明所交銀數及准抵年分以免混淆在當商每年應交稅銀數目預行飭交廿年之課如每年應完銀五兩者完銀一百兩即准抵廿年應交之稅由該地方官給予收照註明所交銀數及准抵年分以免混淆在當商應完此數本不為難且一總匯交尤為便捷該商等自必樂從惟市經定章必須嚴防弊竇倘有不肖官吏藉此格外需索一經發覺嚴參治罪至應交稅銀應自光緒十四年起一律計算統限年底掃數解司逾限不解將該地方

官參處再匯兌銀號商亦係殷實富戶從前臣部會議籌餉章程內議令承領部帖每號納課銀六百兩旋因海疆撤防故未舉辦此次擬令每處每號捐銀六百兩並令只捐一次免其承領部帖以上兩款所收銀兩均由該省報部候撥作為河工專款不得擅作別用○戊寅以李端棻為內閣學士○諭河南鄭州黃河決口前經諭令薛允升就近馳赴工次確查具奏著添派李鴻藻即行馳驛前往該省會同薛允升將現辦大工一切情形詳細查明迅速覆奏隨帶司員著一併馳驛○衛榮光奏查土藥加捐一案經臣於浙江省向收洋藥釐金擬請循舊例出歸於本省支應沿海各營防餉以資周轉摺內聲明飭局核議詳辦在案茲據布政使許應鑾會同釐捐總局司道詳稱查浙江省寧紹溫台所產之象漿姚漿台漿質薄價廉不及川土西土且多係內地運銷絕少富商大賈轉販出海現經該司局悉心核議自應循照百貨捐釐辦法按本抽收每土藥一斤以至販之價核計約須值洋二元四五角以外核之五釐收捐照浙東兩起兩驗併計應抽洋二角四分惟由產地運往他處遠近不同經過卡所盡歸起驗兩次應即改為一起一驗於經過頭卡起捐洋一角四分四釐次卡驗捐洋九分六釐續過各卡不再重徵沿途既可節節稽查司巡亦可無庸添設如此辦理庶幾節省餉兩有神益其關稅一項現由護海關寧紹台道薛福成與稅務司議定凡土藥進口出口無論川土西土象漿台漿各項一律查照洋藥稅章減半收稅

每百斤解徵銀十五兩其由內地往來運銷並不出海及由溫台海船運赴乍浦進口之土漿目下乍浦常關停設應統由釐局徵收留充本省餉需另案造報俾臨簡易各等情具詳前來臣查該司道等所擬辦法尙屬周妥除批飭照辦外理合恭摺陳明下所司知之○己卯貴江西泰新縣耆紳前雲南布政使宋廷春太子少保銜准重赴鹿鳴筵宴○諭卞寶第奏特參劣跡昭著之道員請革職一摺湖南試用道蕭允文委辦承造剝船並不常川住廠監工購買木料與錢商歐陽漢通同誑騙其領運費銀兩並未發交船廠且有銀營差缺造言生事等情實屬貪鄙謬妄蕭允文著卽行革職勒令將所領運費銀五千兩如數追清並著卞寶第等飭查剝船工料如有偷減情弊再行從嚴參辦○諭卞寶第奏安鄉縣著名頭目全數拿獲訊明正法一摺本年閏四月間湖南安鄉縣匪徒在該屬三汊河等處滋事經卞寶第派出水陸各營一體嚴拿先後將匪首譚敬臣並周萬益等全數拿獲訊明正法餘眾分別懲辦該地方文武官員尙屬著有微勞總兵陳海鵬武陵縣知縣李宗連都司申大發均著交部照例議敘已革署安鄉縣知縣施鑑鑒著准其開復原官○文碩奏自古帝王御世莫不正朔授時我 盛朝奄有夏方式廓版圖內自京師行省外至藩部屬國每歲十月朔 欽頒時憲書所以授人事昭大統也而獨衛藏地方初未推及蓋緣唐古特習俗向沿回回算法仰蒙 列聖俯體輿情故未推行此典所謂修其教不變其俗

齊其政不易其宜 撫馭綏柔以有以也顧自雍正之初設官置守歷今一百六十餘年官兵商賈每遇修方週日頗費周章時憲書向皆購自四川省局套版轉輾稽遲致有時屆春夏之交而當年憲書尙不能以徧及至若 欽定修造古方立成一書吏自無從購覓奴才愚昧之見除唐古特番俗相沿已久仍請毋庸遽議推行外所有駐藏大臣以及所屬文武各衙門擬自本年孟冬 欽頒光緒十四年正朔爲始請 旨飭下欽天監頒給清文時憲書五本漢文時憲書四十五本修造古方立成五十本移送兵部由驛遞來俾封印之前得以奉到轉發各屬一體利用遵循得 旨允行○庚辰倪文蔚奏臣前將黃河漫口會同河臣親詣察看等情具奏奉到 硃批覽奏均悉卽著懷遵前旨將漫水經行被淹處所迅查具奏一面妥籌賑撫以恤災黎等因又奉八月二十四日 諭旨著卽籌撥款項會同成孚將堵築事宜妥速辦理等因欽此欽遵仰見 宵旰憂厯痼痼在抱跪聆之下欽悚莫名伏查此次黃河漫溢由石橋口奔騰泛濫直注東南經過開封陳州兩府屬以及歸德府屬鹿邑縣境時因驛路被水梗阻文報稽遲先後接據各府州縣稟報水由鄆州東北兩鄉東姚等堡流入中牟縣市王莊出境被水者一百二十村莊中牟縣城被水圍繞漫水所及三百餘村莊由中牟而入祥符縣境大溜趨向朱仙鎮南之關店及西南之遺店正南之井腰鋪東南之西市等堡水趨尉氏圍繞縣城由正北歇馬營折向正東直趨扶溝

縣境計長一百餘里城垣四面皆水漫水及於鄆陵縣之邵村等處共淹浸四十餘村莊其通許之吳台  
邱閣等處數十村莊亦有漫水深至七八尺不等而太康縣境水由崔橋至長營挾河出槽直趨東南入  
於鹿境其西營縣惟沙河以南三十餘村莊不受水害西營與淮寧商水兩縣接壤之周家口北寨爲淮  
寧地面亦被水淹淮寧縣境水由柳林集會黃魯河大沙河之水散漫靡常致淹一千五百數十村莊南  
流入於項城縣由李村等牌流赴沈邱縣紙店等處遂從槐店出境至歸德府屬鹿邑一縣亦經黃水漫  
及由西南鄉因塚集等處流入洛河黃溝河東流入於安徽太和縣境此各屬現被水災之情形也臣詳  
加查核以中牟尉氏扶溝西營淮寧祥符鄭州七州縣爲最重太康項城沈邱鄆陵通許次之商水杞縣  
鹿邑又次之當黃水初圍中牟尉氏兩城也臣先經飭司派員攜帶銀兩分投前往會同該處兩縣設法  
搶鑿城垣務期穩固其餘各縣亦經加派委員會同官紳認真防範各河堤工督催修築完固免致黃流  
隨入並分派委員前往被水之區僱船裝筏渡災黎散放餅餅搭蓋席棚俾資棲止其繫戀廬舍者尙  
株守高阜希冀水涸節經該印委等勸諭不肯遽離轉瞬天氣漸寒亟應另籌撫輯或添設粥廠或施散  
粟米多設留養所以紓民困現在口門通東之陽橋及朱仙鎮店李口中牟之水月庵陳州府屬之周家  
口等處均已各設粥廠委員前往辦理其餘則由各州縣地方官自行酌定城鄉設廠收養所需米石有

常平新倉存穀暫令碾用其無存穀之處發銀採買應需經費一切由賑撫總局發給武陟縣沁河漫口地方災民亦形困苦現亦飭令開廠煮賑此籌辦賑撫先後之情形也。思堵口一日不合民生卽一日不安惟有趕將堵築事宜會同河工成乎趕辦一面督飭各員稽查災戶安集流亡慎選委員驗別弊端以副 朝廷軫念災區膏澤下民之至意豫省地方平衍隨處散漫地段免廣是以水行不速昨接漕臣盧士杰電信八月二十八日清江一帶尙未固有黃水有人自正陽關來云二十五日淮河水長二尺卽係黃流用採所聞上紆宸廑得旨覽奏被災情形深堪憫惻現經發帑截漕專資賑撫惟在該撫殫竭血誠認真辦理俾殘黎得沾實惠稍紓宵旰之憂當無負諄諄誥誡矣○祥亨等奏光緒十一年九月准兵部火票遞到戶部咨開會議刑部左侍郎薛允升奏請裁勇加餉練兵一摺欽奉 懿旨二件遵行辦理欽此等因前來奴才等恭讀之下仰見 聖謨深遠固本維防整飭戎行至意欽佩莫名伏查我朝八旗勁旅爲往代所不能及滿營分設駐防各省星羅棋布拱衛 神京立法極爲周備原爲無事以資鎮撫有警就近征調安內攘外而設非使之株守一隅逸居而坐食也祇以承平日久人不知兵視春秋例操爲故事染綠營驕惰之陋習廢弛因循漸致有失機誠驍勇舊俗奴才等檢查檔案咸豐年間變逆竄擾湖北省武昌漢陽迭次失陷而荊州得以保守者全賴龍會橋一戰大挫賊鋒使之不敢再犯至

今本地士民稱之可見駐防旗民勇敢之可用顧視訓練及用之如何耳再荊州地當南北之衝水陸之要爲東南數省重鎮數年以來散勇絡繹良莠難齊盜賊伏莽甚多近年湖南北省時有教會匪徒滋事之案尤恃有重兵勁旅鎮懾庶可消患無形查練兵之要固在技藝嫻熟先發制敵器械尤須銛利內地烏鎗向爲軍中利器然遇風雨每形滯礙本駐防旗營向無洋鎗所有新式外洋鎗礮亟須購置惟旗營並無開款可籌奴才等於十一年八月率同協領佐領等以次捐資購置步隊來福洋鎗一千桿馬隊來福洋鎗二百五十桿發給馬步各兵復挑選壯兵二百四十名令其操練刀矛所用軍器如數捐備編立隊伍與馬步各隊長短相濟簡派曾經出師熟習軍事之記名副都統花翎協領楚連恩副根額及俸滿記名協領玉瑞協領寶俊吉忠夏綬等統帶認真常川操練奴才等隨時校閱一切陣式遵照部頒陣圖及奴才祥亨前在察哈爾都統任內張家口駐防精銳洋鎗隊所演各陣逐日練習現已一律成軍所需藥鉛門火銅帽隨時購置製造均係捐備三年以來所有攻戰陣式分合進退漸臻嫻熟馬步鎗隊聲音聯絡迅速有準刀矛各技擊刺亦尙便捷第以南北地異取法不厭周詳奇正形殊變化當求簡易查神機營威遠鎗礮各隊設立已久攻守陣式必極精詳爲此仰懇 天恩飭山神機營頒發新式鎗礮陣圖一部俾荊州駐防旗營得有法程以資操練奴才祥亨任膺統轄實無旁貸惟有與奴才瑞興共竭愚誠



督飭各協領等認真訓練總期兵有實用餉不虛糜並擬現練馬步各隊一律精熟後再行換練如此數年荊州駐防額設甲兵四千可以悉成勁旅以期仰副 皇太后 皇上整武經邦之至意得 旨如所請行○辛巳以閃殿魁爲甘肅涼州鎮總兵○倪文蔚奏 臣往來工次經過南岸上中下三關白蠟工漫口之後大溜南趨河灘涸出全露堤根沿河埽場大半殘缺而中河關爲尤甚蓋緣八月初間異漲奇險壞生工頭二三四五等堡埽段坍塌百餘丈堤身僅存一縷若非補築完固將來大工合龍水歸故道回潮撞擊在在堪虞惟河工向例霜降以後停止修防可否請 旨飭下河 臣乘此灘乾飭令道廳及時興築庶可防患未然而收事半功倍之效得 旨著各行成乎督飭廳員及時認真修築○倪文蔚奏 臣於赴工途次奉到九月初二日 上諭前據倪文蔚奏請截留賑需銀三十萬兩業經允准並欽奉 懿旨發內帑銀十萬兩廣爲散放 聖慈宵旰焦勞不惜鉅帑拯救災區該撫具有天良自必核實妥辦並請將籌賑各節速卽奏聞以慰廑系欽此仰見 皇太后 皇上軫念災黎 仁施稠迭凡茲臣庶感激涕零伏查籌賑各節並合各屬被水情形業已遵奉 諭旨恭摺奏聞惟念 臣以幹材蒙 恩畀以封疆重任所有地方一切事宜自當殫竭血誠盡心籌辦獨河工積習太深在工人員皆有向來成例在胸不能因時因事核實推求夙夜思維曷勝焦灼 臣既承 簡命自當盡其愚悃破除成見親自督率每事撙節

辦理總期工堅而費不糜早日合龍以救民生倒懸之苦庶可仰慰 宸廑得 旨工員浮冒偷減橫習已深糜帑誤工胥由此輩著該撫隨時嚴查破除情面遇有前項情弊立即據實奏參從嚴懲辦毋稍瞻徇○壬午以祁世長署禮部尚書○戶部奏軍機處交出御史周天霖奏豫省河工急宜堵築東省河工急宜疏濬請開鄭工捐例一摺於光緒十三年九月十三日軍機大臣面奉 諭旨御史周天霖奏請開河工捐輸以應急需一摺著戶部議奏欽此又御史李士琨奏河工需款請由各省開捐實職官階以廣招徠而濟要工一摺於九月十五日軍機大臣面奉 諭旨御史李士琨奏河工需款甚鉅請飭各省設局開捐一摺著戶部歸入周天霖摺一併議奏欽此欽遵到部查御史周天霖原奏內稱本年八月初七日河南武陟縣屬之小楊村沁河漫決一百四十餘丈是月十三日鄭州下汛之石家橋黃河漫決三百丈現已奪溜南趨實為近年罕見之災必須於春汛以前趕緊設法堵築以期早日合龍此豫省河工之刻不容緩者也臣以為豫省堵合口門賑恤災民固為當急之先務而東省疏通河道培築堤岸亦不可緩之時宜再四籌思非仍准開捐不可前於光緒十年曾以海防需餉浩繁奏准暫開海防事例比照籌餉例核減二成此次係屬河工擬請比照海防再減二成仍以實銀報捐官職名為鄭工新例並准於各直省設立分局以廣招徠被水災區賑款亦不敷分布擬請仿照山東賑捐辦理祇准捐虛銜 封典專

備賑撫之需又御史李士琨原奏內稱河南鄭州河決黃水爲災目前拯救賑恤爲先日後河工籌款宜裕查道光年間曾因河工廣開捐例此次工款浩大似難妨援案辦理現在海防捐例現銀上庫捐輸踴躍莫若各省設局以廣招徠欲捐輸之濟用莫若統解部庫以待動撥各等語臣等伏查本年八月三十日恭奉諭旨此次河南鄭州黃河漫口所有搶辦河工及辦理災賑各事宜需款甚鉅亟應豫籌的款以濟要需著戶部悉心酌核妥議具奏欽此當經臣部奏明籌款情形並請變通捐例在案臣等正在籌議間據該御史等先後奏陳開辦河工捐輸並請比照海防例收捐數再行核減與臣部前奏意見相同擬請准如所奏開辦卽名爲鄭工新例將現行之海防事例應暫請停止一切捐項應由臣部銀庫上兌並照初開海防事例辦法各直省藩庫准其一律收捐隨時發給實收分次造冊按月將副實收隨冊咨送臣部以憑核辦至設立分局之處流弊甚多前開海防例原不准行該御史等所請應毋庸議所有鄭工新例收捐條款擬仿照海防事例辦理惟報捐銀數一層查海防開例將及三年京外捐銀千餘萬兩近日收數漸減勢成若新例仍以八成收捐恐捐生觀望不前於籌款仍無實濟現在河工需餉甚鉅不得不照海防例量爲酌減以廣招徠除專歸部收之免保舉免考試加級紀錄捐復補監銀兩捐輸贖罪並京外收捐翎枝等項仍照舊辦理毋庸減成又職銜封典升銜頂戴貢監等項另議核減五成

外其餘實官雙月三班分發指省並分缺先分缺間本班儘先各花樣以及應行收捐各項條款均照籌餉例及常例銀數核減四成統令以大成實銀上兌並擬另立鄉工新例遇缺先花樣一項惟班次較優銀數未便統隨各項議減擬照籌餉例分缺先銀數祇減二成以八成實銀上兌請予限一年部庫以奉旨之日起外省以接到部文之日起扣去封印日期限滿即行停止俾示限制如蒙 俞允再由臣部會同吏兵二部妥議條款具奏俟奉 旨後即行開辦伏思豫省黃流汎濫罹此奇災 朝廷特沛浩蕩之恩不惜帑金拯斯民之飢溺臣部先後遵 旨提撥庫存銀兩及截留京餉等五百餘萬兩以濟要工而庫款空虛亦亟應早為籌計此次議開鄉工新例准令各直省收捐固以濟河工之用亦以廣集鉅資藉以彌補京餉之不足在各省督撫臣當思京師根本重地八旗待餉殷繁督飭藩司將收捐事宜認真經理所收捐輸正項銀兩專款存儲聽候臣部隨時提用並令月月將捐銀數目報部一次以憑稽覈臣不准擅行動用亦不得奏請截留倘不遵照此次奏章仍敢挪動捐款即由臣部將該藩司指名參革並將該省督撫奏請議處至御史周天霖奏請仿照山東辦理賑捐一節自係為拯救災黎起見擬一併照准應令豫省查照另議減成新章收捐賑銜 封典升銜頂戴貢監等項由該省按月分次將所收報捐員名銀數詳細造冊同副實收咨送臣部隨時核辦繕照頒發所收正項銀兩准其動用藉供賑濟之資

務期實收實用一洗向來積弊且豫省此次被災較重必須廣籌撫卹之需方暇周轉除現有賑務之分仍令照舊開辦賑捐外其向來勸捐協助直東等省賑款者仍應廣爲勸募集成鉅款均令改協河南急賑一切請獎事宜並照此次減成新章辦理由各該省造冊送由河南巡撫彙總挨次報部以歸一律再查福建洋藥茶捐廣東海防經費陝西廉俸抵捐所捐各項雖無實職官既究與新章不無窒礙應仍令暫停請獎一俟工新例停止再由各該督撫報部核辦恭候 命下應由 臣部行知各省曉諭捐生一體遵照得 旨如所議行○倪文蔚奏前因武陟縣小楊莊無工沁堤被水漫溢當將大概情形由驛馳奏並飭司委員馳勘一面籌款解道賑濟去後茲據署武陟縣知縣李標鳳稟稱該處漫口正督紳設法堵築奈風狂雨驟水勢過猛全河壅歸口門下注刷寬一百四十餘丈口門以內三面皆堤水無出路致浸及南關護城堤經該道暨該署縣多方搶護復經鄉民於下游方陵外灘抽溝二道挖堤數十丈放水仍由沁入黃現將被水災黎妥爲拯救散放急賑並盤築小楊莊漫口方陵水門兩處裏頭以免續塌等情旋據新任彰衛懷道曹秉哲查明稟同前由 臣查沁河工程自光緒九年始經前撫 臣鹿傳霖奏定改爲官督紳辦每年由司庫撥銀二萬四千兩交河內武陟兩縣分領以資修守此次漫口堤段雖係向日無工處所第該官紳等既責有攸歸疎防之咎究無可辭相應請 旨將前署彰衛懷道候補道王維

翰現署武陟縣請補寶豐縣知縣李標鳳交部分別議處以示懲儆懷慶府知府卓景濂正當考試未及臨工可否免議之處出自 逾格鴻施其該縣紳士有承辦之責俟由道查取職名到日另行奏請議處得 旨覽奏已悉著卽督飭所屬將漫口趕緊堵合辦理續塌並查明被淹村莊戶口妥籌撫恤王維翰李標鳳均著交部分別議處卓景濂著加恩免其議處○癸未諭李鶴年著署理河東河道總督會同倪文蔚籌辦大工事宜卽行前赴署任毋庸請訓成乎稟咎甚重現值堵築加緊之際未便令其置身事外著留工効力以觀後效○諭張曜奏知縣虧短交代銀兩延不完解請旨革職查抄一摺山東已故招遠縣知縣孫常春虧欠司庫稅契雜倉等款銀兩爲數甚鉅節經勒限嚴催迄未完解實屬玩延孫常春著卽行革職勒令該家屬完繳所有任所寓所資財查抄分別備抵該故員原籍家產著河南巡撫一律查封備抵以重庫款○倪文蔚奏前奉 上諭欽奉 慈禧端佑康頤昭豫莊誠皇太后懿旨著於宮中節省內帑項下撥去銀十萬兩交倪文蔚查明黃流經過被災各地方不分畛域核實散給欽此該撫務當仰體 聖慈宵旰焦勞加惠災黎之至意遴派妥幹委員分途確查迅速散放務期實心經理剔除弊端庶災區早沾一日之惠朝廷早紓一日之憂仍將辦理放賑情形速卽馳奏欽此欽遵當將黃流經過地方籌備賑撫情形恭摺馳奏並將出省日期附陳在案一面將欽奉 上諭飭司敬謹刊刻磨黃飭發各

屬徧行張貼並俟此項銀兩由部撥解到豫卽當不分畛域趕 旨辦理以廣 聖澤 臣於初八日輕車  
減從先由省南至朱仙鎮一路查勘災區詳加訪問並乘船至中洪順流而下沿道查勘與各屬先後稟  
報情形尙屬相同蓋鄆工漫口羣溜橫行就地平鋪溜分三道溜入賈韓河東過朱仙鎮西南經尉氏又  
東會渦河南注周家口經扶溝西華商水淮寧項城沈邱各縣入於淮河合流至皖北東趨洪澤是其大  
端也其泛濫旁及若開封府屬之鄭陵杞縣並許陳州府屬之太康歸德府屬之鹿邑各縣水深三四尺  
及六七尺不等房屋間有倒塌淹斃人口尙不甚多惟大溜經行之處水深有至一二丈者房屋人口現  
尙無從查悉鄆州雖爲災區起首係係東北兩鄉祥符則西南兩鄉被災均重其餘接壤被水地方若西  
偏之許州汝寧府各屬東偏歸德府屬之睢州等處黃水均未淹及所有被災各縣災民前經 臣派員分  
路四出救濟船隻能到之處無不立登彼岸且幸地勢平衍溜不急速各處村莊均有沙阜土岡可以登  
避是以克待救援經各路委員暨各州縣當時散放急賑一律保全現在粥廠均已添設就食難民每處  
有一二萬人及數千人不等逐日尙多增添惟淺水中守定房糧廬物不肯棄去者到處皆有經各委員  
再三勸令遷移 臣亦先經飭局出示曉諭日來漸有出徙將來人數日多踰屆冬令惟有多設席棚廣備  
棉衣以資禦寒 臣每過災民親爲安撫宣布 皇仁並溫諭勸慰各災民於流離顛沛中尙知涕泣興感

察看情形現在各委員及地方官於災賑事宜尙能實心經理並無草率侵吞各弊已飭將各屬被災戶口確切查明造冊呈送以憑核辦仍隨時明查暗訪如有始勤終怠及不甚得力之員立即撤換以重賑務因船至中流大溜湍急之處未能前進且一切情形已見大概隨即折回另派委員馳往下游一帶查勘臣卽於十一日回省辦理一切要務此臣往來查勘災賑之實在情形也臣伏思堵口未合以前籌辦賑撫爲日方長徧觀粥廠流民露宿風餐情殊可憫然其中老弱婦女尙可一飽無求彼精壯男丁歸耕無期鬻聚一處日久必生他志一經匪徒煽惑卽恐滋生事端故欲設法安置莫如以工代賑現在挑築堤壩開挖引河均須僱募民夫迨至大工興辦需夫更多與其臨時號召散夫何如招此長夫各歸棚頭督率便於稽查臣現擬招募精壯災民在距工次百里以內者先挑二千五百人編以營制畀以工作名之曰工賑營平時既可歸視家室口糧所餘兼可補助賑之不足將來大工告竣遣歸較易非若尋常招募易聚難散臣仍飭令督率之武員於此項民夫勸勞之外加以體恤以仰副朝廷惠育黎元之至意得 旨覽奏均悉卽著嚴飭印委各員將賑撫事宜盡心經理以期災黎咸沾實惠如有始勤終怠之員立即據實撤參至招募壯丁以工代賑所籌尙妥著依議行